

淵鑑類函

卷四十七之卷四十九

淵鑑類函卷四十七

帝王部八 符命

符命一

原春秋潛潭巴曰里社鳴此里有聖人其响則百姓歸之 春秋孔演圖曰天子皆五帝之精寶各有題序以

次運相據起必有神靈符紀使開階立遂 河圖挺佐

輔曰黃帝修德立義天下大治乃召天老而問焉余夢見兩龍挺白圖以授余於河之都天老曰河出龍圖雒出龜書紀帝錄列聖人之姓號興謀治太平然後鳳皇處之今鳳皇以下三百六十日矣天其受帝圖乎黃帝

乃祓齋七日至於翠嬀之川大鱸魚折溜而至乃與天
老迎之五色畢具魚汎白圖蘭葉朱文以授黃帝名曰
錄圖 尚書中候曰帝堯即政榮光出河休氣四塞龍
馬銜甲赤文綠字甲似龜背五色有列星之分斗政之
度帝王紀錄興亡之數 **增**又曰朕率羣臣沈璧於洛

河俟於下稷赤光起元龜負書出赤文綠字 帝王世

紀曰堯佐帝摯受封於唐年二十而登帝位以火承木
景星曜於天甘露降於地朱草生於郊鳳皇止於庭

宋志曰堯在位七十年將以天下禪舜乃潔齋修壇於
河雒率舜等升首山遵河渚有五老游焉蓋五星之精

也相謂曰河圖將來告帝以期知我者重瞳黃姚視五
老飛爲流星上入昴

原 雜書靈準聽曰舜受終鳳皇

儀黃龍感朱草生萹莩西王母授益地圖

西王母得益地之圖

以獻

干寶搜神記虞舜耕於歷山得玉曆於河際之巖

舜知天命在己體道不倦

增 宋志曰夏道將興青龍

止於郊祝融降於崇山

原 帝王世紀禹父既放降在

匹庶有聖德夢日洗於河西四岳師舉之舜進之堯

尚書璇璣鈴曰禹開龍門導積石元圭出刻曰延喜玉

受德天賜佩

增 河圖曰禹治水功大天帝以寶文大

字賜禹佩之以渡北海弱水之灘

洪範曰天錫禹洪

范九疇彝倫攸敘

原

尚書中候曰臣觀河伯面長人

首魚身出水曰吾河精也授臣河圖

隋巢子曰昔三

苗大亂天命夏禹於元宮有大神人面鳥身降而福之

司祿益富而國家實司命益年而民不夭四方歸之禹

乃克三苗而神民不違

墨子曰夏桀時天乃命湯於

驪宮有神來告曰夏德大亂往攻之予必使汝大戡之

尚書中候曰天乙在亳諸鄰國襁負歸德東觀乎雒

降三分譬黃魚雙躍出濟於壇化爲黑玉赤勒曰元精

天乙受神福伐桀克

春秋元命苞曰殷紂之時五星

聚於房房者蒼神之精周據而興

增

竹書曰初黃帝

之世讖言曰西伯爲王期在甲子昌制命發行誅旦行道及公劉之後十三世而生季歷季歷三十年飛龍盈於殷之牧野此蓋聖人在下位將起之符也子昌爲西伯作邑於豐文王之妃曰太姒夢商庭生棘太子發植梓樹於闕間化爲松柏棫柞以告文王文王幣率羣臣與發並拜告夢季秋之甲子赤爵銜書及豐置於昌戶

昌拜稽首受其文要曰姬昌蒼帝子亡殷者紂

又按尚書帝命

驗曰季秋之甲子赤爵銜丹書入於豐止於昌戶其書曰敬勝怠者吉怠勝敬者滅義勝欲者從欲勝義者凶凡事不強則枉不敬則不正枉者廢滅敬者萬世以仁得之以仁守之其量百世以不仁得之以仁守之其量十世以不仁得之以不仁守之不及其世

原琴操曰受命者謂文王受天

命而王文王以紂時爲岐侯躬修道德執行仁義百姓親附是時紂爲無道刳胎斲廢壞仁人天統易運諸侯瓦解皆歸文王其後有鳳皇銜書於文王之郊文王曰殷帝無道虐亂天下皇命已移不得復久乃作鳳皇之歌其章曰翼翼翔翔彼鸞皇兮銜書來游以命昌兮

瞻天案圖殷將亡兮蒼蒼昊天始有萌兮神連精合謀於房兮 尚書中候曰呂尚釣磻谿得玉璜刻曰姬受

命呂佐旌旌理也 呂氏春秋曰周文王時見大赤烏銜

書集於周社文王曰火氣勝故其色上赤 墨子曰商

王紂時周武王見三神曰予旣沈瀆殷紂於酒德矣汝

往攻之予必使汝大戡之 又曰赤烏銜珪降周之岐

社曰命周文王伐殷有國河出錄圖地出乘黃天錫武

王黃鳥之旗

增

宋志曰武王伐紂渡孟津中流白魚

入王舟王俯取魚長三尺目下有赤文成字言紂可伐

燔魚以告天有火自天止於王屋流爲赤烏烏銜穀焉

穀者紀后稷之德火者燔魚以告天天火流下應以吉

也

原

周語內史過曰昔夏之興也夜融降於崇山其

亡也回祿信於聆隧商之興也檇杙次於丕山其亡也

夷羊在牧周之興也鸞鷲鳴於岐山其衰也杜伯射王

於鄆是皆神明之志者也

琴操曰魯哀公十四年西

狩薪者獲麟擊之傷其左足將以示孔子孔子道與相
逢見俛而泣抱麟曰爾孰爲來哉孰爲來哉反袂拭面
仰視其人龍顏日角夫子奉麟之口須臾吐三卷圖一
爲赤伏劉季興爲王二爲周滅夫子將終三爲漢制造
作考經夫子還謂子夏曰新主將興其人如得麟者

尚書帝命驗曰東南紛紛注精紀昌光出軫已圖之鄭
康成注曰謂劉氏也謂火精當起翼軫之野 尚書考

靈曜曰河圖子提期地留赤用藏龍吐珠鄭康成注曰
河圖子劉氏而提起也珠寶物喻道也赤漢當用天之
秘道故河龍吐之 **增**帝王世紀曰太上皇之妃曰媪

是爲昭靈后名含始遊於洛地有玉雞銜赤珠出刺曰
玉英吞此者王舍始吞之生邦字季

原史記曰高祖

被酒夜經豐西澤中令一人行前行前者還報曰前有
大蛇當徑高祖乃前拔劔斬蛇蛇分爲兩道開後人來
至蛇所有一老嫗夜哭問之嫗曰吾子白帝子化爲蛇
當道今爲赤帝子斬之因忽不見秦始皇帝常曰東南
有天子氣於是東遊高祖隱于芒碭山澤間呂后與人
俱求常得之高祖怪問呂后呂后曰季所在山居常有
雲氣故往常得季 又曰范增說項羽曰沛公居東貪
於財貨好美姬今入關財貨無所取婦女無所幸此其

志不在小吾令人望氣皆爲龍虎成五采此天子氣也

漢書曰高祖元年冬十月五星聚於東井從歲星也

東井秦分野漢以義取天下之應也

增拾遺記曰漢太上皇微時遊山

澤間有冶鑄曰若得腰間佩刀雜冶中即成神器可以

克天下昴星精爲輔可以殲三殢太上皇曰此物名匕

首遂解投煙燄中及劔成授上皇上皇以賜高祖乃殲

三殢宅天下鉤命波云蕭何昴星精項羽陳勝吳廣爲

三殢 **原**漢書曰昭帝時上林柳樹斷臥地一朝起立

生枝葉有蟲食其葉成文字曰公孫病已立 又曰昌

邑王問社有枯樹復生枝葉睦孟以爲木下民象當有

廢改之象公孫氏從民間受命爲天子者後宣帝立帝
本名病已

增

搜神記曰秦文公時陳倉人獵得獸若

彘不知名牽以獻之逢二童子童子曰此名爲媚常在
地中食死人腦即欲殺之拍捶其首媚亦語曰二童子
名陳寶得雄者王得雌者霸陳倉人乃逐二童子化爲
雉雌上陳倉北坂爲石秦祠之雄者飛至南陽其後光
武興焉 後漢書曰初哀帝時夏賀良上言漢家曆運
中衰當再受命於是改號太初元年及王莽篡位忌惡
劉氏以錢文有金刀故改爲貨泉或以貨泉字文爲白
水真人後望氣者蘇伯阿遙見舂陵郭擘曰氣佳哉鬱

鬱蔥蔥然初道士西門君惠李守等亦云劉秀當爲天子
原東觀漢記曰光武帝夜生時有赤光室中盡明
皇考異之使卜者王長卜之長曰此善事不可言是歲
有嘉禾生一莖九穗長大於凡禾縣界大豐熟因名上
曰秀 又曰光武從邯鄲避王郎兵至滹沱河導吏還
言河水流澌無船不可渡左右皆惶畏爲王郎所及上
命王霸前往視之實然霸念還言恐驚衆雖不可渡且
臨水止尚可爲阻即白曰冰堅可渡士衆大喜上大笑
曰果妄言也叱至河流澌冰合可履強以囊盛沙布冰
上乃渡渡未畢數車而冰陷也 又曰上歸舊廬望見

廬南有火光以爲人持火呼之光遂赫然屬天有頃不見上異之 又曰諸將請上尊號初王莽時上與伯叔

及姊聳鄧晨穰人蔡少公坐語少公道讖言劉秀當爲天子或曰是國師劉子駿也上戲曰何由知非僕也坐者皆大笑時傳聞赤伏符不見文章軍中所上未信到

鄠上所與長安同舍諸生彊華自長安奉赤伏符詣鄠與上會羣臣復伏固請乃命有司設壇於鄠之千歲亭

六月即皇帝位

按赤伏符曰劉秀發兵捕不道四夷雲集龍鬪於野四七之際火爲主注云赤

伏符名漢德尚火赤火色伏藏也四夷雲集龍鬪於野羣雄角力也四七二十八也高祖至光武合二百二十

八年也一說光武以二十八歲起兵

魏志曰桓帝時有黃星見於楚宋

之分遼東殷馘善天文言後五十歲當有真人起於梁
沛之間其鋒不可當至是凡五十年而太祖破袁紹天
下莫敵矣 吳錄曰孫堅墓上數有光如雲氣五色上
屬天下蔓延數里父老相謂曰此非凡氣孫氏其興乎
吳書曰孫堅母懷妊夢腸繞吳閭門孫策母懷策夢
月入懷懷孫權夢日入懷 武昌記曰孫權獵於樊山
見一姥問獵何得荅曰止得一豹姥曰何不豎其尾忽
然不見因為立樊姥廟 魏氏春秋曰明帝青龍三年
張掖郡刪丹縣金山元川溢涌寶石負圖狀象靈龜立
於川西有石馬七其一仙人騎之其一羈絆之其五有

形而不善成有玉匣開蓋於前上有玉字玉璠二玉璜
一又有麒麟在東鳳皇在南白虎在西犧牛在北馬自
中布列有字曰大紂曹金但取之此司馬氏革運之徵

增宋書曰吳之未亡也吳郡臨平湖一旦自開湖邊
得石函中有小青石刻作皇帝字舊言臨平湖塞天下
亂開則天下太平吳人以為祥俄而吳滅後元帝興於

江左吳亡後蔣山上常有紫雲術者曰江東猶有帝王
氣 宋書曰晉武帝咸寧元年大風吹帝社樹折有青
氣出社中占者以謂東筦有天子氣時琅邪武王佑封
東筦佑元帝祖也 **原**臧榮緒晉書曰王廙為鄱陽太

守有枯樟樹更生王敦表勸進中宗曰皓獸應瑞而來
臻樟樹久枯而更榮 孫盛晉陽秋曰秦始皇時望氣
者言五百年後金陵之地有天子氣 又曰太安中歲
鎮辰太白四星聚於牛女之間後中宗即位於揚州也

又曰太安中童謠曰五馬浮渡江一馬化爲龍永嘉

大亂王室淪覆惟琅邪西陽汝南南頓彭城五王獲濟
至是中宗登阼先是五鐸見於晉陵若合符契 豫章
記曰松陽門內有大梓樹大四十五圍舉樹盡枯死永
嘉中一旦復更榮茂大興中元皇帝果繼大業庾仲初
揚都賦所云槐木蒼於豫章郭璞南郊賦云弊梓擢秀

於祖邑也宣帝祖爲豫章太守故云祖邑也

增洞林

記曰晉中宗爲丞相時有雞雛者而雀飛集其背驅而復來如此再三占者云雞者酉酉者金火雀變而來赴即王踐阼之象也 又曰元帝時三雀共登一雄雞背

三入安東廳占者以爲當進三爵爲天子 晉元帝永

嘉初有玉冊見於長安白玉麒麟神璽出於江寧其文曰長壽萬年 晉書曰孝武帝始四歲時哀帝興寧三

年五月廬陵西昌縣修明家有僵栗樹是日忽復起生及得位嗣統識者竊曰西昌修明之祥帝諱實應之矣

廣古今五行記曰晉安帝時冀州釋法稱將死告其

弟子普嚴曰嵩山神告我江東有劉將軍漢家苗裔當受天命吾以璧三十二枚並鎮金一餅與之劉氏卜世之數也嚴告同學法義法義以義熙十三年於嵩廟石壇下得玉璧三十二枚三十二者二三十也宋有天下享祚六十年

原

徐爰宋書曰武皇帝彭城縣綏興里

人夜生有神光之異室內盡明是夕甘露降於墓樹少嘗遊下邳遇一沙門於逆旅舍沙門言及中原多故又云江表尋復喪亂能拯之者其唯君乎其意甚切至初高祖患手創積年未瘳沙門因出懷中黃散一裹留之沙門既去高祖追而望之倏忽不見以散治創一傳而

愈餘散寶錄之每被金創輒用有驗 又曰高祖舉目

瞻睽常見二龍在焉始尚微小及貴龍形漸長光色轉

明左右侍者亦數見徵異 **增**宋志曰武帝少時誕節

嗜酒自京都還息於逆旅逆旅嫗曰室內有酒自入取

之帝入室飲於盜側醉臥地時司徒王謐有門生亦至

此逆旅嫗曰劉郎在室內可入共飲酒比門生入室驚

出謂嫗曰室內那得此異物嫗遽入帝已覺矣嫗密問

向何所見門生曰見一物五采如蛟龍非劉郎門生還

以白謐謐戒使勿言而與厚結 又曰武帝常遊京口

竹林寺獨臥講堂前上有五色龍章衆僧驚之以白帝

帝獨喜曰上人無妄言

南史紀曰齊高帝年十七時

常夢乘青龍上天西行逐日宋明帝遣孫奉伯往淮陰
帝與同室臥奉伯夢上乘龍上天於下捉龍脚不得及
覺敘夢因謂曰兗州當大庇生靈而弟不得與也 又
曰參軍崔靈運夢天謂已蕭道成是我第十九子我去
年已使授其天子位考自三皇五帝以降受命之次至
帝爲十九也 宋志曰元徽四年帝爲領軍從南郊望
氣者陳安寶見太祖身上黃紫氣屬天安寶謂親人王
洪範曰我少來未嘗見軍上有如此氣也 談藪曰齊
太祖在淮陰里城塹掘得古錫九枚下有篆書荀伯玉

諸人皆不能識時紀僧貞獨言曰何須辨此久遠之物
錫而有九九錫之徵也帝喜而賞之 南史紀曰昇明

三年四月二十四日滎陽郡人尹千於嵩山東南隅見
天雨石墜地石開有玉璽在其中璽方三寸文曰戊丁
之人與道俱肅然入草應天符埽平河洛清魏都又曰

皇帝運興千奉璽詣雍州刺史蕭赤斧赤斧以獻 南

齊紀曰武帝諱願字宣遠小諱龍兒生於建康青溪宅
其夜陳孝后劉昭后同夢龍據屋上故上字焉 南史

紀曰梁武帝微時所居室中常若雲氣人或遇者體輒
肅然行徑牛渚逢風入泊龍瀆有一老人謂帝曰君龍

行虎步相貴不可言天下方亂安之者其在君乎問其名氏忽然不見又曰初齊高帝夢履而登殿顧見武明二帝後一人手張天地圖而不識問之荅曰順子後及崔慧景之逼長沙宣武王懿入援至越城夢乘馬飛半天而墜帝所馭化爲赤龍騰虛獨上時臺內有宿衛士爲覲常見太極殿有六龍各守一柱末忽失其二後見在宣武宅時宣武爲益州覲乃往蜀伏事及宣武在郢此覲還都乃見六龍俱在帝所寢齋遂去郢之雍中途遇疾且死謂同侶曰蕭雍州必作天子具以前事語之

後魏本紀曰孝文母李夫人皇興元年八月戊申

生帝於平城紫宮神光照於室內 咸定錄曰隋末望
氣者云龍門有天子氣連太原甚盛後唐高祖起義兵
汾陽遂有天下 天中記曰唐高祖仕隋爲殿內少監
時尚食奉御郭弘道善相言於高祖曰公天中伏犀下
接於睂此非人臣之相高祖取弘道銀盆置地引弓射
之謂曰向言有驗當一發中之旣發應弦而中弘道曰
願公事驗之日賞賜金盆高祖大悅後爲太原留守鎮
并州時武士護詰朝於街內獨行聞空中有言曰唐公
是天子士護尋聲不見有人乃以白高祖并進兵書高
祖悅之其夜士護夢高祖乘龍上天旦以狀聞後起太

原次臨汾去絳郡二十餘里有紫雲如華蓋樓閣之形
正臨高祖之上 武德六年車騎將劉山濤上書言高
祖龍潛時數往來洛郊之莊曾踐二石靴迹見於石中
至今猶在高祖令人鑿之深二寸餘其迹愈明乃止

洛中紀異曰唐高祖將舉義師西入長安夜夢忽身死
墜於牀下爲羣蛆所食及覺甚惡之乃詣智滿禪師而
密語之滿即賀曰公得天下矣帝大驚謂滿曰何謂也
滿曰人臣不敢直指天子故曰陛下死是斃也墜牀是
下也蛆趨附也羣蛆共所食者是億兆趨附至尊之象
也甚吉又曰貧道爲沙彌日嘗工易今敢爲公占之及

卦成曰得乾飛龍在天又是帝王之徵也帝至霍邑又
夢甲馬無數飛滿空中帝問是何軍伍對曰是公身中
之神也若無此何以威制天下言訖並飛入帝身帝覺
召太宗言之復曰吾事濟矣太宗拜於前連呼萬歲者
數四帝復大悅 冊府元龜曰高祖之臨岐州太宗時
年四歲有書生自言善相謁高祖曰公貴人也且有貴
子見太宗曰龍鳳之姿天日之表年將二十必能濟世
安民矣高祖懼其言泄將殺之忽失所在因采濟世安
民之義以爲名焉 又曰太宗爲秦王高祖有詩云聖
德合皇天五宿連珠見和風拂世民上下同歡宴帝於

宮西造宅初成高祖送玉璽以至於帝所搢紳相謂曰
詩及玉璽蓋秦國之祥瑞者歟 寓簡曰太宗未建義

時常飲酒醉臥劉文靜家文靜坐樓上見宅南大池中
有白龍下飲水池中大魚皆躍上岸以百數良久乃隱
太宗睡覺謂文靜云醉中渴甚夢入公家池中飲水極
清冷愜意文靜視其體猶濕也 冊府元龜曰高祖既

舉義師之日太宗所居處有紫雲當其上俄變爲五色
狀如飛龍武德八年拜中書令嘗夜於嘉猷門見神人
長數丈素衣冠呼太宗曰我當令汝作天子太宗再拜
忽不見所居弘義宮中有一大池常時有佳氣鬱鬱數

百尺太宗獨異之至九年其氣轉盛上屬於天六月定
內難立為皇太子又有方士喬伏仁善言命見建成元
吉俱有爭心因謂所親曰秦王上應天籙當為元君此
二人乃驅除耳 又曰睿宗初生含涼殿則天乃於殿
內造佛氏有玉像焉及長閒觀其側玉像忽言爾後當
為天子 酉陽雜俎曰睿宗為冀王時寢齋壁上蝸迹
成天字上懼遽埽之數日如初及即位雕玉鑄黃金為
蝸形分置於釋道像前 明皇始三歲封楚王時則天
御高樓抱之眺望誤墜於地左右失聲奔下扶擁帝怡
然無虧損之狀則天甚奇之 舊唐書曰明皇兼潞州

別駕州境有黃龍白日升天嘗出畝有紫雲在其上
逸史曰明皇臨潞州景龍二年四月十七日在廳事假
寐白鶴觀道士宋大辨等三十人同見赤龍據案上微
時常至洛陽令崔日知宅崔設饌未熟明皇因寢庭前
一架藤花初開日知見巨蛇食藤花逡巡不見上覺曰
飢甚夢中食藤花甚美日知乃知他日啓聖之驗也

國史纂異曰中宗將入朝有軍人韓凝禮自謂知兆上
因以食箸試之旣布卦一箸無故自起凡三偃三起觀
者以爲大吉徵 舊唐書曰中宗將祀南郊明皇來朝
京師將行使術士韓禮筮之著一莖孑然獨立禮驚曰

著立奇瑞非常之事也不可言 冊府元龜曰開元二

年八月太子賓客薛謙光獻東郡九鼎銘其豫州鼎銘
武后所製文曰犧農首出軒昊應期唐虞繼踵湯武乘
時天下光宅宇內雍熙上元降祉方建隆基宰相姚崇
盧懷慎等爲天子早著冥符臣等今見薛謙光所獻東
郡鼎銘大聖天后所製其文云上元降祉方建隆基豫
州處天地之中所以遠包四海銘文獨聖后所製固必
先感二儀靈慶昭彰曠絕古今臣等忝陪近侍喜萬常
情請宣付史官并頒示內外許之 天中記曰開元八
年鄭州人元承微上封事曰謹按魏典及北齊志後魏

太平真君九年內學者奏言上黨有天子氣在壺關大
王山於時太武南巡親幸上黨掘大王山累石爲三封
又斬其北鳳皇山南足以斷之臣等恭尋符命壺關天
子之氣正是陛下當焉元穹上睠符命下鍾故使歷試
潞州所以用當其應此天意也豈人事乎然而一幸潞
州三移灰琯壺關之地歲時爲蒐狩之場大王之山朝
夕即豫遊之所始而龍潛上黨尋乃鳳舉咸京內學之
言果合符契伏願陛下上承天命下諭人心昭告寰瀛
編列國史從之 冊府元龜曰肅宗初爲皇太子明皇
幸蜀留肅宗在後宣諭百姓自奉天而北夕次永壽百

姓遮道獻牛酒有白雲起西北長數丈如樓閣之狀議者以爲天子之氣自是紫雲擁帝所乘馬聚散不時至平涼郡路傍遇一伏兔命左右索弓箭因謂左右曰吾若破賊射則中之不然則否一發而斃左右咸稱萬歲上初發平涼有彩雲浮空而去上行至豐寧南見黃河天塹之固欲整軍北渡以保豐寧忽大風飛沙跬步之間不辨人物及迴軍趨靈武風沙頓止天地廓清 舊唐書曰宣宗初封光王十餘歲時遇重疾沈綴忽有光輝燭身蹶然而興正身拱揖如對臣寮乳媪以爲心疾穆宗視之撫其背曰此吾家英物非心憊也賜以玉如

意御馬金帶嘗夢乘龍升天言之於鄭后乃曰此不宜
人知者幸勿復言 真陵十七事曰宣宗在藩時常從

駕回而誤墜馬人不之覺比二更方能興時天大雪四
顧悄無人聲上寒甚會巡警者至大驚上曰我光王也
方困且渴若爲我求水警者即於旁近得水以進遂委
而去上良久起舉甌將飲顧甌中水盡爲芳醪矣上喜
獨自負舉一甌已而體微煖有力步歸藩邸後遂即帝
位 稽神錄曰梁開平二年使其將李思安改潞州營
於壺關伐木爲柵破一大木中朱書文六字曰天十四
載石進思安表上之其羣臣皆賀以爲十四年必有遠

夷貢寶者司天少監徐鴻獨謂其所親曰丙申之歲當有石氏王此地者天字取四字中兩畫加之於旁則丙字也移四字外圍以十貫之即申字也後至丙申歲晉高祖以石姓起并州如鴻之言後漢高祖爲河東節

度使天福十一年太原葭蘆茂盛最上一葉如旗狀皆南指明年遂即帝位周太祖微時嘗晝寢有物如小虺五色出入顴鼻之間在太原時有神尼同姓見太祖謂李瓊曰我宗天上大仙當爲世界主瓊詰其故曰頂上有肉角也及爲樞密時北征如澶淵旭日日邊有紫光當太祖馬首之上高不及百尺從官異之至鄴都一

夕在亭院齋忽有黃氣起於前繚繞而上遽際於天太祖於黃氣中仰見星文紫微文昌爛然在目駭曰予在室中而見天象不其異乎密告知星者乃拜賀曰坐見天衢物不能隔至貴之祥也異日又於署衙中有紫氣起於旛竿龍頭之上凡二日觀者異之及討李守真於河中守真登陣瞰陣氣色不懌獨言曰是何妖變後城中人言見太祖軍上有紫氣如樓閣車蓋之狀故也

五代史補曰世宗在民間嘗至江陵有卜者王處士世宗因往問焉方布卦忽有一著躍出卓然而立卜者大驚曰吾家著法十餘世矣常記曾祖以來遺言凡卜筮

而著自躍出者其人貴不可言況久卓然不倒得非爲天下之主乎遽起再拜世宗雖佯爲詰責而私心甚喜通鑑曰董遵誨父宗本仕漢爲隋州刺史宋太祖微時客遊至漢東依宗本遵誨憑藉父勢常侮之一日謂太祖曰每見城上紫雲如蓋又夢登高臺遇黑蛇約長百丈餘俄化龍飛騰東北去雷電隨之是何祥也太祖皆不對後太祖辭宗本去自是紫雲漸散及即位一日便殿召見遵誨因諭之曰卿尚記往日紫雲及龍化之夢乎遵誨再拜呼萬歲宋史紀曰太祖嘗試惡馬不施銜勒馬逸上城斜道額觸門楣墜地人以爲首必碎

太祖徐起更追馬騰上一無所傷又嘗與韓令坤博士
室中雀鬪戶外因競起掩雀而室隨壞 邵氏聞見錄
曰宋藝祖微時入洛至長壽寺大佛殿枕柱礎晝寢有
藏經院僧見赤蛇入帝鼻帝寤僧問所向帝曰欲見柴
太尉於澶州無資僧曰某有一驢可乘又以錢幣爲獻
帝遂行太尉一見奇之留幕府未幾柴即天子位是爲
周世宗帝與宣祖俱事之後遂受禪於周 宋劉原父
嘗齋太乙宮與王堯臣夜語曰歲星往來虛危間其色
甚明以吾觀之當有興於齊者歲餘英宗以齊州防禦
使入繼大統 續夷堅志曰靖康之變康王嘗質金人

軍中及遣還康王奔相州召兵勤王因登郡圃飛仙亭
視其牌額持弓矢而祝曰若中此牌則必聞京師音耗
三發三中左右動色相賀又語幕府曰夜來夢皇帝脫
所御袍賜吾吾解舊衣而服所賜此何祥也頃時詔來
命爲大元帥速領兵入衛時王發兵相州使臣馳報黃
河未凍衆失色王禱天地河神而河冰凍已合遂渡河
揮塵錄曰顯仁后在北地未知高宗即位嘗用象碁
局裏以黃羅書康王字貼於將上焚香禱曰令三十二
子俱擲於局若康王字入九宮者必得天位一擲其將
子果入九宮他子皆不近后喜甚即具奏徽廟大喜謂

后曰瑞卜昭應異常可無慮矣 嘉興志曰佛宇挂鐘之閣多虛其中宋孝宗幼歲時偶至秀州東塔寺登鐘樓遊戲而僧徒先以蘧蔭覆空處上誤履其上遂并墜焉旁觀者失色亟視之乃屹立席上略無怖容先夕主山者夢金龍挂於樓閣間翌日而見孝宗之事 遼史曰太祖幼時自言左右若有神人翼衛 金太祖本紀曰遼道宗時有五色雲氣屢出東方大若二十斛困倉之狀司天孔致和竊語人曰其下當生異人建非常之事後咸雍四年金太祖生 金史曰太祖親征黃龍府次混同江無舟上乘赭白馬徑涉曰視吾鞭所指而行

諸軍隨之水及馬腹後使舟人測其渡處深不得其底

又曰金世祖爲東京留守時一日方寢紅光照室及

黃龍見寢室上通鑑曰元兵至浙駐師於錢塘沙上

宋太后遙祝曰海若有靈當使波濤大作一洗而空之

潮汐三日不至名山藏曰元時太史言聖人生江淮

帝實應之謂明太祖又曰太祖初生浴汲河水水浮紅羅

遂取爲衣又曰元末羣盜四起郭子興據濠梁太祖

在皇覺寺欲從子興卜琰於伽藍神數祝皆陰帝曰莫

不容子舉大事否請復陰琰果陰再浚之琰躍然再立

又曰太祖爲吳王時有一老人告省局匠曰吳王即

位三年當平一天下匠驚問之曰我太白神也忽不見
又曰明成祖初舉兵風雨四起咫尺昏迷少焉東方
雲開露青天尺許有光燭地暎徹上下將士皆喜

符命二

原天錫洪範

河出馬圖

尚書云天乃錫禹洪範九疇彝倫攸敘易曰河出圖洛

出書聖人則之

受命

藏氣

榮光

休氣

俱

增河遊五

老

周見三神

五老堯之瑞三神武之瑞

黃魚化玉

赤雀銜書

黃魚湯之瑞赤雀文王之瑞

翠嬀魚躍

陳寶雞鳴

翠嬀堯之瑞陳寶光武

之瑞

龍馬負甲

鳳皇銜書

龍馬堯之瑞鳳皇文王之瑞

朱草茁

冀英滋

流星入昴

五緯聚房

流星堯之瑞五緯周之瑞

岐山鳴鳳

牧野飛龍

俱周之瑞

黃鳥之旗

白蛇之劍

黃鳥旗武王事

白蛇劍漢高帝事

滹沱冰合

臨平湖開

冰合漢光武之瑞

湖開晉元帝之瑞

期在甲子

人是戊丁

甲子武王事 戊丁南史昇明三年

事以上俱見符命一

赤雁白麟

黃旗紫蓋

漢書武帝幸東海獲赤雁幸雍獲白

麟遂作赤雁白麟之歌 吳志

桑陰似蓋

蘆葉如

旗

蜀志曰先主舍旁有桑樹高五丈餘遙望如車蓋或謂當出貴人先主少時與諸兒於樹下戲言吾必當

乘此羽葆車蓋 下後

五馬渡江

六龍守柱

五馬晉元

漢高祖事詳符命一

白魚入舟

赤龍據案

白魚武王之瑞 赤龍唐明皇

帝事 六龍

龍瀆告祥

智滿賀夢

龍瀆梁武帝事 智滿唐高祖事

食箸三

起

箸草獨立

食箸唐中宗事 箸草周世宗事

西昌修明之祥

東

帝王部

符命

符命

筮琅邪之瑞

西昌晉孝武帝事以上俱詳符命一

五運推移

三靈改卜

宋太祖即位敕詔

披皇圖

稽帝文

握乾符

叶靈圖

俱出文選

原荀卿傳祕記

尹敏增圖識

後漢荀卿臨終

戒子統曰吾緜帙中有先祖所傳祕記為漢家所用爾其修之統遂學焉朝廷多訪之尹敏博通經史帝使校圖讖敏增之曰帝無可為輔帝不之罪亦以沈滯

以畫八卦 神龜負書於洛夏禹衍之以成九疇

增

魏膺當塗之讖 晉有石瑞之文 流火赤雀實紀周

祚 雕雲素靈發祥漢氏

俱南齊祥瑞志

符命三

原神武有徵應

班彪王命論

里社鳴聖人出

黃河清聖

人生 夜融降於崇山 檇杙次於丕山 並詳符命一 姬

受命 尚書中候 卯金興 河出圖 雒受法 尚書中候 黃精

受道 河精受圖 尚書中候 握圖書 得地符 元女授

符 詳武功篇 湯受金符 詳應運篇 奉赤伏符 光武詳符命一 蒼代

元 持金精 握金鏡 擊玉鼓 朕由薄承 出軫

握命 尚書考靈耀 仁命在豐 當辟而拜 詳山篇 代殷者

為姬昌 代漢者當塗高 五曜霄映 五星聚房井

詳符命一 四星聚牛女 晉陽秋 鎮星入關 黃星見楚宋

魏志 參御馬 卯生虎 青雲扶日 黃雲蓋之 並詳雲

紫雲見於車上 宋書 嘉氣飛於庭前 千秋鏡賦 御天社

符命

內有赤紫氣 長安獄中有天子氣漢書 黃雲見河

神龍見譙 神龍至 龍吐珠尚書考靈曜 天果命湯

白虎戲朝 狐藜房 狼銜鉤詳應運篇 赤烏銜珪墨子

赤烏銜書周文王 烏王命明 魚鳥有卵 黃雀立日

旁考異郵 赤雀止昌戶尚書中候 赤魚遊護 赤人出洛

紀年 武王伐紂卜而龜燂說苑 靈龜服 神龜出 五

鐸啓號於晉陵晉書 棧鐘告成於會稽 文昌殿朱草

自生 臨平湖草木自除 臥柳生枝漢書 斃梓擢秀

郭璞南郊賦 梧桐常生 枯梓更榮豫章記 臥有光耀漢昭

帝 神光照室魏本紀 光耀滿室 留飲酒售漢書 賣

麪大售

漢宣帝

肆伐大商會朝清明

爰茲發迹

斷

蛇奮旅

大雨洗兵

大風落兵

邢丘大雨

昆陽

雨注

盟津波罷

河洛開輿

符命用出

元德升

聞 皇天眷命

以讖命官

有道則見

增 申命

書經

曰天其申命用休

簡在

書經曰惟簡在上帝之心

維新

詩經曰其命維新

佑

德

書經曰惟天佑於一德

助順

禮記曰天之助順也

天授

漢書曰高祖殆天授

非人力也

夤威寶命

顏延年郊祀歌曰夤威寶命嚴恭帝祖

卜年卜世

左傳

成王定鼎於郊

河榮洛變

元玉素鱗

隋盧思道賀甘

世三十卜年八百

春陵佳氣

光武

滹沱冰合

光武

乘龍逐日

齊高帝以上俱詳符命一

夢筆畫衣

齊志曰武帝在郢州時夢

帝玉部

符命

符命

人從天飛下頭插筆來畫上衣兩
邊庾溫釋云畫者山龍華蟲也

甲馬飛空唐高祖

白龍飲池

夢食藤花

唐明皇

赤蛇入鼻

宋太祖

神人

翼衛

遼太祖以上俱詳符命一

五雲網縵如車蓋

名山藏曰明太祖至婺擊元將

於梅花門大破之先一日城中人望見
城西有五色雲如車蓋乃太祖駐兵地

兵端有火光

五色雀集旗竿

俱明成祖

逐燕高飛

名山藏曰建文時有道士歌於途曰

莫逐燕逐燕日高飛高飛
上帝畿後成祖起兵於燕

符命四

原

文漢司馬相如封禪文曰伊上古之初肇自昊穹之

生民歷選列辟以迄於秦率邇者踵武逖聽者風聲紛
綸葳蕤湮滅而不稱者不可勝數也繼韶夏宗號謚略

可道者七十有二君尚書曰元首明哉股肱良哉因斯
以談君莫盛於唐堯臣莫賢於后稷后稷創業於唐公
劉發迹於西戎文王改制大行越成故軌迹夷易易遵
也湛恩龐鴻易豐也憲度著明易則也垂統理順易繼
也是以業隆於襁褓而崇冠乎二后未有殊尤絕迹可
考於今者也然猶躡梁父登太山建顯號施尊名大漢
之德塗音蜂涌源泉沕涌曼衍旁魄四塞雲布霧散上暢
九垓下泝八埏昆蟲闔懌迴首面內然後囿騶虞之珍
羣徼麋鹿之怪獸導一莖六穗於庖犧雙觥共觝之獸
招翠黃乘龍於沼欽哉符瑞臻茲猶以爲德薄不敢道

封禪蓋周躍魚隕航休之爲燎此之爲符也以登介丘
不亦慝乎進讓之道何其爽與於是大司馬進曰陛下
仁育羣生義征不諛德侔往初功無與二意者泰山梁
父設壇場望幸蓋上帝垂恩儲祉將以慶成陛下謙讓
而弗發也絜三神之歡鼓王道之儀羣臣慝焉夫修德
以錫符奉命以行事不爲進越也故聖王不替而修禮
地祇謁款天神勒功中嶽以章至尊皇皇哉斯事天下
之壯觀王者之丕業不可貶也願陛下全之俾萬世得
激清流揚微波飛英聲騰茂實前聖之所以永保鴻名
而常爲稱首者用此宜命掌故悉奏其儀而覽焉於是

天子沛然改容曰俞乎朕其試哉乃遷思迴慮總公卿
之議詢封禪之事詩大澤之博演符瑞之富遂作頌曰
自我天覆雲之油油甘露時雨厥壤可遊滋液滲漉何
生不育嘉穀六穗我穡曷蓄匪惟雨之又潤澤之匪惟
徧之我汜布濩之名山顯位望君之來君乎君乎侯不
邁哉般般之獸樂哉君囿白質黑章其儀可嘉眈眈穆
穆君子之態蓋聞其聲今視其來厥途靡從天瑞之徵
茲爾於舜虞氏以興濯濯之麟遊彼靈時孟冬十月君
徂郊祀馳我君輿帝以享祉宛宛黃龍興德而升正陽
顯見覺悟黎蒸於傳載之云受命所乘依類託寓喻以

封巒披藝觀之天人之際以交上下相發允荅聖王之
事兢兢翼翼故云於興必慮衰安必思危是以湯武至
尊嚴不失肅祗舜在假典顧省闕遺此之謂也 漢揚
雄劇秦美新曰上罔顯於羲皇中莫盛於唐虞邇靡著
於成周仲尼不遭用春秋因斯發言神明所祚兆民所
託罔不云道德仁義禮智獨秦崛起西戎因襄文宣靈
之僭迹立基孝公茂惠文奮昭莊至政破從擅衡并吞
六國遂稱乎皇帝盛從鞅儀韋斯之邪政馳驚起翦恬
賁之用兵剗滅古文刮語燒書弛禮崩樂塗民耳目遂
流唐漂虞滌殷蕩周難除仲尼之篇籍自勒功業改制

度軌量咸稽之於秦紀是以耆儒碩老抱其書而遠遜
禮官博士卷其舌而不談二世而亡何其劇歟帝王之
道兢兢乎不可離已夫能貞而明之者窮祥瑞回而昧
之者極妖愆故若古者稱堯舜威侮者陷桀紂況盡汛
埽前聖數千載功業專用已之私而能享祐者哉會漢
祖龍騰豐沛奮迅宛葉自武關與項羽勦力咸陽創業
蜀漢發迹三秦克項山東而帝天下擷秦政慘酷尤煩
者應時而蠲如儒林刑辟歷紀圖典之用稍增焉秦餘
制度項氏爵號雖違古而猶襲之是以帝典缺而不補
王綱弛而未張逮至大新受命上帝還資后土顧懷元

符靈契雲動風偃震聲日景炎光飛響盈塞天淵之間
乃奉若天命窮寵極崇與天剖神符地合靈契創億兆
規萬世卓哉煌煌真天子之表也若夫白鳩丹鳥素魚
斷虵方斯蔑矣是以發祕府覽書林遙集乎文雅之囿
翱翔乎禮樂之場肩殷周之失業紹唐虞之絕風懿律
嘉量金科玉條煥爛照耀靡不宣臻振鷺之聲充庭鴻
鸞之黨漸階俾前聖之緒布濩流行而不韞積郁郁乎
煥哉天人之事盛矣鬼神之望允塞紹少典之苗著黃
虞之裔帝典闕者已補王綱弛者旣張炳炳燁燁豈不
懿哉而述前典巡四民迄四岳增封泰山廣禪梁甫斯

受命者之典業也崇嶽滄海通瀆之神咸設壇場望受命之增焉海外遐方信延頸企踵回面內嚮喁喁如也帝者雖勤讓惡可以已乎宜命賢哲作典引一篇以示來人摛之罔極令萬世常戴巍巍履粟粟齎馨香含甘寶鏡純粹之至精聆清和之正聲則百工伊凝庶績咸熙荷天衢提地釐斯天下之上則已庶可試哉

原典引後漢班固典引曰陶唐舍胤而禪有虞有虞亦命夏后稷契熙載越成湯武股肱既周天乃歸功元首將授漢劉俾其承三季之荒末值亢龍之災孽懸象闔而愷文乖彝倫斁而舊章缺高光二聖宸居其域赫赫

聖漢巍巍唐基泝測其源乃先孕虞育夏甄殷陶周然
後宣二祖之重光叢四宗之緝熙神靈日照光被六幽
仁風翔於海表威靈行乎鬼區盛哉皇家帝世德臣列
辟功君百王榮鏡宇宙渙揚寓內是以來儀集羽族於
觀魏肉角馴毛宗於外囿擾縉文皓質於郊升黃輝采
鱗於沼甘露宵零於豐草三足騫翥於茂樹若乃嘉穀
靈草奇獸神禽應圖合牒窮祥極瑞者朝夕坰牧日月
邦畿卓犖乎方州洋溢乎要荒昔周姬有素雉朱烏元
秬黃葵音伴之事耳君臣動色左右相趨濟濟翼翼峨峨
如也啓恭館之金滕御東序之祕寶是時聖上固已垂

精遊神苞舉藝文屢訪羣儒俞咨故老與之斟酌道德
之淵源肴覈仁義之林藪以望元符之臻焉將緝萬嗣
揚洪暉奮炎景扇遺風播芳烈久而逾新用而不竭汪
汪乎丕天之太律其疇能亘之哉唐哉皇哉皇哉唐哉
原頌魏傅遐皇初頌云尋盛德以降應著顯符於方臻
積嘉祚以待期儲鴻施於真人昔九代之革命咸受天
之休祥匪至德其焉昭匪至仁其焉章懿大魏之聖后
固上天之所興應靈運以承統排閭闔以龍升攄皇象
以闡化順帝則以播音遵陽春以行施揆四時以立信
運聰明以舉善宣柔惠以養人於赫我后邁德如神化

不朞月令不泱辰於是天地休豫靈祇歡欣嘉瑞雲集
四靈允臻甘露宵零於宮庭醴泉冬涌於中原白雉素
鳥丹芝朱魚鱗集羣萃不可勝書信應天之美瑞受命
之靈符也然後覽公卿之讜議詢百寮之典謨天子乃
登彫輦戴羽蓋佩玉鏘鏘鑾聲噦噦拜上皇告受位兆
休祥導神氣於是建皇始之上元發曠蕩之明詔胥災
肆赦盪滌瑕穢崇設九賓溥延公卿嘉羞千品俎豆充
庭金石俱懸鐘鼓畢作歌九功舞八佾鴻澤普皇恩洽
民欲得神望塞

原敘後漢傅幹王命敘曰在昔唐虞之禪列於帝典殷

周之代敘於詩書天之曆數昭焉著明周篤后稷公劉積德行仁至乎文武遂成王業雖五德殊運或禪或征其變化應天與時消息其道一也故雖有威力非天命不授雖有運命非功烈不章自我高祖襲唐之統受命龍興討秦滅項光有萬國世祖攘亂奄復帝宇人鬼協謀禎祥煥然皆順乎天而應乎人也然則帝王之起必有天命瑞應自然之符明統顯祚豐懿之業加以茂德成功賢智之助而後君臨兆民爲神明所保佑永世所尊崇未見運敘無紀次勳澤不加於民而可力爭覬覦神器者也豪傑見二祖無尺地之階爲專智力乘釁而

起不知天祚聖哲帝王自有真也哀哉非徒闔於將來
又不考之於旣往矣自開闢以來姦雄妄動不識天命
勇如蚩尤強如共工威如夷羿然皆從分橫裂爲天下
戒又況淺智小才勇不足畏強不足憚未有成資而敢
失順視不軌之事也哉夫行潦之流不致江海之深丘
垤之資不成泰山之高魚鼈之類不希雲龍之軌一官
之守不經天人之變當王莽之末英雄四起而鄧禹耿
弇識世祖之福祚嬴糧間行進其策謀遂荷肯附之任
享佐命之寵張元慕蘇秦蒯通之業周旋謳述西說竇
融言未及終而梁統已誅之矣禹弇見命祚之兆其福

如彼張元蔽順逆之理其禍如此審斯二事趣舍之分
明矣且世祖之興有四一曰帝皇之正統二曰形相多
異表三曰體文而知武四曰履信而好士加之以聰明
獨斷達於事機發策如神應視遠如見近偏旅首進擢
莽軍百萬之衆單師獨征平河北萬里之功識鄧隆之
將敗知劉興之必死然猶乾乾日昃博采訓咨拔吳漢
於小尹擢馬武於行伍寵功臣以兼國之爵顯卓茂以
非次之位言語政事文學之士咸盡其材致之宰相權
勇畢力於征伐搢紳悉心於左右此其所以成大業也
高祖方娠有雲龍之表其始入秦五星同軌以旅於東

井在天之符也世祖之徵符其詳可聞也其初育則靈
光鑿於室隩嘉禾滋於邑壤其望舊廬有火光之異其
渡滹沱有冰合之應西門君惠先識其諱疆華獻符千
里同驗劉歆改名而隕其身王長錯卦而見吉兆故王
遵謂之天授非人力也覽廢興之運會觀徵瑞之攸祚
審天應之萌兆察人物之所附念功成而道退無非次
而妄據後之人誠能昭然遠覽曠然深悟收莽述之闇
惑忠鄧耿之弘慮好謀而要成臨事而知懼距張元之
邪說思在三之明數則福祿衍於無窮亦世不失其通
路矣

原論後漢班彪王命論曰在昔帝堯之禪曰咨爾舜天之歷數在爾躬舜亦以命禹暨於稷契咸佐唐虞光濟四海奕世載德至於湯武而有天下雖其遭遇異時禪代不同至於應天順民其揆一焉是故劉氏承堯之祚氏族之世著於春秋唐據火德而漢紹之始起沛澤則神母夜號以彰赤帝之符由是言之帝王之祚必有聖明顯懿之德豐功厚利積累之業然後精誠通於神明流澤加於生民故能爲鬼神所福嚮天下所歸往未見運世無本功德不紀而得崛起在此位者也世俗見高祖興於布衣不達其故以爲適遭暴亂得奮其劔遊說

之士至比天下於逐鹿幸捷而得之不知神器有命不可以智力求悲夫此世之所以多亂臣賊子者也若然者豈徒闇於天道哉又不睹之於人事矣夫餓饉流隸飢寒道路思有短褐之襲擔石之蓄所願不過一金終於轉死溝壑何則貧窮亦有命也況乎天子之貴四海之富神明之祚可得而妄處哉故雖遭罹厄會竊其權柄勇如信布強如梁籍成如王莽然卒潤鑊伏鑕烹醢分裂又況么麼不及數子而欲闇于天位者乎是故駑蹇之乘不騁千里之途燕雀之儔不奮六翮之用橐橐之材不荷棟梁之任斗筭之子不執帝王之重易曰鼎

折足覆公餗不勝其任也當秦之末豪傑並起共推陳
嬰而王之嬰母止之曰自吾爲子家婦而世貧賤今卒
富貴不祥不如以兵屬人事成少受其利不成禍有所
歸嬰從其言而陳氏以寧王陵爲漢將而母獲於楚有
漢使來陵母見之謂曰願告吾子漢王長者必得天下
子謹事之無有貳心遂對漢使伏劍而死以固勉之夫
以匹婦之明猶能推事理之致探禍福之幾而況大丈
夫之事乎是故窮達有命吉凶由人嬰母知廢陵母知
興此二者帝王之分波矣蓋在高祖其興也有五一曰
帝堯之苗裔二曰體貌多奇異三曰神武有徵應四曰

寬明而仁恕五曰知人善任使加之以信誠好謀達於
聽受見善如不及用人如由己從諫如順流趨時如響
赴當食吐哺納子房之策拔足揮洗揖酈生之說悟成
卒之言斷懷土之情高四皓之名割肌膚之愛舉韓信
於行陣收陳平於亡命英雄陳力羣策畢舉此高祖之
大略所以成帝業也若乃靈瑞符應又可略聞矣是以
王武感物而折契呂公覩形而進女秦皇東遊以厭其
氣呂后望雲而知所處始受命則白蛇分西入關則五
星聚故淮陰留侯謂之天授非人力也歷古今之得失
驗行事之成敗取舍不厭斯位符瑞不同斯度而苟昧

權利越次妄據外不量力內不知命則必喪保家之主
歿天年之壽遇折足之凶伏斧鉞之誅英雄誠知覺寤
收陵嬰之明分絕信布之覬覦拒逐鹿之瞽說審神器
之有授貪不可冀毋爲二母之所笑則福祚流於子孫
天祿其永終矣

魏陳王曹植魏德論曰元氣否塞元

黃憤薄星辰亂逆陰陽舛錯四海鼎沸蕭條沙漠武皇
之興也以道凌殘義氣風發神戈退指則妖霧順制靈
弧雲舉則朝陽播越唯我聖后神武蓋天威光佐埽辰
彗北彎首尾爭擊氣齊率然乃雷北席卷千里隱乎若
崩嶽盱乎若潰海愠彼蠻夏蠢爾弗恭脂我蕭斧簡武

鍊鋒星陳而天運振耀乎南封荆人風靡交益影從軍
蘊餘勢襲利乘權蕩鬼區於白水擒矯制乎遐川仰屬
目於條支晞弱水之潺湲薄張騫於大夏笑驃騎於祁
連其化之也如神其養之也如春柔遠能邇誰敢不賓
憲度增飾日耀月光迹存乎建安道隆乎延康於是漢
氏歸義顧音孔昭顯禪天位希唐放堯上猶謙謙弗納
也發不世之明詔薄皇居而弗泰蹈北人之清節美石
戶之高介義貫金石神明以興坤祇致祥乾靈效祐於
是羣公卿士功臣列辟率爾而進曰昔文王三分居二
以服事殷非能之而弗欲蓋欲之而弗能況天網不禁

皇綱圯紐侯民非復漢萌尺土非復漢有故武皇創跡
於前陛下光美於後蓋所謂勳成於彼位定於此者也
將使斯民播秬鬯植靈芝鉏六穰挹醴滋遂乃凱風迴
款甘露匝時農夫詠於田壟織婦吟而綜絲黃吻之齟
含哺而怡台背之老擊壤而嬉古雖稱乎赫胥曷若斯
之大治乎於是上富於春秋聖德汪濊奇志妙思神鑒
靈察方將審御陰陽增耀日月極禎祥於遐奧飛仁風
以樹惠旣遊精萬幾探幽洞深逍遙六藝兼覽儒林抗
思乎文藻之場囿容與乎道術之疆畔超天路而高峙
階青雲以妙觀將叅迹於三皇豈徒論功於大漢天地

位矣九域清矣皇化四達帝猷成矣明哉元首股肱貞
矣禮樂旣作興頌聲矣固將封泰山禪梁甫歷名川以
祈福周五方之靈宇越八九於往素踵帝皇之靈矩流
餘祚於蒸黎鍾元吉乎聖主 隋李德林天命論曰有
娥元鳥商以興焉姜嫄巨跡周以興焉邑姜夢帝隋以
興焉古今三代靈命如一天下之重不可妄據軒初四
帝周餘六王藉勢因基自取而不得也孟軻稱仲尼之
德過於堯舜著述成帝者之事弟子備王佐之才墨不
代蒼泣鱗歎鳳栖栖汲汲雖聖達而莫許也蚩尤則黃
神抗衡共工則黑帝就敵項羽誅秦摧漢宰割神州角

逐爭驅盡威力而無就也其餘歛起妖妄何足數者若使四凶執八元之誠三監懷九臣之志韓信彭越深明帝子之符孫述隗囂妙識真人之出尉迴同謳歌之類王謙比獄訟之民福祿蟬聯胡可窮也而違天逆物獲罪神人嗚乎此前事之大戒矣誅夷烹醢歷代共尤僭逆凶邪時煩獄吏其不戒慎何哉蓋積惡旣成心自絕於善道物類相感理必至於誅戮天奪其魄鬼惡其盈故也大帝聰明羣臣正直耳目監於率土賞罰參於國朝輔助一人覆育兆庶豈有食人之祿受人之榮包藏禍心不殲盡者也必當執法未處其罪司命已除其籍

自古明哲慮遠防微位尊而心愈下祿厚而志彌約納
寵思之以懼道高守之以恭克念如此則奸回不至謙
光滿復義在知幾吉凶由人歿不自作夙沙則主雖愚
蔽民盡知歸有苗則始爲跋扈終而大服漢南諸國見
一面以從殷河西將軍率五郡而臣漢故能招信順之
助保泰山之安也

原述魏邯鄲淳上受命述曰伊上天闡載自民主肇建
歷聽風聲陶唐爲盛虞夏受終殷周革命有禪而帝有
代而王禪代雖殊大小繇同於是以漢歷在魏赤運歸
黃也是故大魏之業皇耀震霆肅清宇內萬邦有截師

義翼漢奉禮不越飭躬勩力茂亮弘烈樹深根以厚基
播醇澤以釀味含光而弗耀戢翼而弗發將俟聖嗣是
遂是達聖嗣承統爰宣重光陳錫裕下民悅無疆三神
宜釐四靈順方元龜介玉應龍粹黃若云魏德據茲以
昌爾乃鳴玉陟壇三摺以俟既受休命龍旋鳳跕煌煌
厥暉穆穆容止臨下有赫允也天子既踐帝位納璽要
紘太常司燎升炮告類圭璋峨峨髦士棣棣蹒蹒聖躬
御策以涖巍巍乎崇功顯顯乎德容信帝者之壯業天
休之所鍾也於是天地咸和日月光精氛祲不作風塵
弭清凡在壇場之位舉目乎廣庭莫不君臣和德咸玉

色而金聲屢省萬幾訪謀老成治詠儒墨納策公卿昧
旦孜孜夕惕乾乾務在諧萬國敘彝倫而折不若懷遠
人混六合之風納於仁壽之門刑措靡試偃伯靡軍然
後乃勒功岱嶽升中上元斯固我皇之大謨思心之所
存也

原表魏邯鄲淳上受命述表曰臣聞雅頌作於聖德典
謨興於茂功德盛功茂傳序無忘是故竹帛以載之金
石以聲之垂諸來世萬載彌光陛下以聖德應期龍飛
在位其有天下也恭己以受天子之籍無爲而四海順
風若乃天地顯應休徵祥瑞以表聖德者不可勝載鑠

乎煥顯真神明之所以祚命世之令主也凡自能言之類莫不謳歌於野執筆之徒咸竭文思獻詩上頌臣抱疾伏蓐作書一篇欲謂之頌則不能雍容盛懿列伸元妙欲謂之賦又不能敷演洪烈光揚緝熙故思竭愚稱受命述

增對馮萬石曆數對曰臣聞天地草昧洪鈞列五運之期雲雷始屯火德分一人之位莫不時來命偶人迪天將白環昭虞后之功元圭錫夏王之德空桑負鼎遇爲牲之君渭水張羅得非熊之相伏惟陛下化光坤載道叶乾行總五氣以發生籠百王而亭育粵若稽古推曆

數之存亡感而遂通酌天人之符命明揚側陋典采芻
詞開闡大猷旁求雅問則天文幽遠誠匪管窺然人事
昭彰敢陳壅塞原夫興亡有數符命無差遽啓丹書俄
迴白璧君臣道合則遐邇乂安上下情乖則邦家板蕩
水火革而天人順暴亂行而桀紂亡百六爲霖旱之災
七九非湯堯之運曆數斯在惟德動天禍福無門惟人
所召故德者五行之義也人者兩儀之心也人心動而
悔愆生德義形而陰陽謝必乘金運則殷不及於期果
歷木行則周不及於數龍鬪龜祆之發人與事並白魚
丹雀之符德將時應

原解唐柳宗元貞符解曰孰稱古初樸蒙空洞而無爭

厥流以訛越乃奮擊鬪怒震動專肆為淫威曰是不知
道惟人之初總總而生林林而羣雪霜風雨雷電暴其
外於是乃知架巢空穴挽草木取皮革飢渴牝牡之欲
毆其內於是乃知噬禽獸咀果穀合偶而居交焉而爭
際焉而鬪力大者搏齒利者齧爪剛者凌羣衆者軋兵
良者殺披披藉藉草野塗血然後強而有力者出而治
之往往為於險阻號令起而君臣什伍之法立德紹者
嗣道怠者奪於是聖人焉曰黃帝造其兵車交貫乎
其內一統類齊制量然猶大公之道不克建於是有聖

人焉曰堯置州牧四岳時而綱之立有德有功有才有
能者叅而維之運臂率指屈伸把握莫不統率堯年老
舉聖人而禪焉大公乃克建由是觀之厥初罔不極亂
而後稍可爲也非德不樹故仲尼敘書於堯曰克明峻
德於舜曰濬哲文明於禹曰文命祇承于帝於湯曰克
寬克仁彰信兆民於武王曰有道曾孫稽揆典誓貞哉
惟茲德實受命之符以奠永祀後之妖淫嚚昏好怪之
徒乃始陳大電大虹元鳥巨跡白狼白魚流火之鳥以
爲符斯皆詭譎闕誕甚可羞也而莫知本於厥貞漢用
大度克懷於有氓登能庸賢濯痍煦寒以熙茲其

爲符也而其妄臣乃下取虺蛇上引天光推類號休用
夸誣於無知之氓增以騶虞神鼎脅毆縱臾俾東之泰
山石闔作大號謂之封禪皆尚書所無有莽述承效卒
奮驚逆其後有賢帝曰光武克綏天下復承舊物猶崇
赤伏以玷厥德魏晉而下龐亂鉤裂厥符不貞邦用不
靖亦罔克久駁乎無以議爲也積大亂至於隋氏環四
海以爲鼎跨九垓以爲鑪爨以毒燎扇以虐燄其人沸
湧灼爛號呼騰蹈莫有救止於是大聖乃起丕降霖雨
濬滌蕩沃蒸爲清氣疏爲冷風人乃謬然休然相晞以
生相持以成相弭以寧椽斲屠剔膏流節離之禍不作

而人乃克完平舒愉尸其肌膚以達於夷途焚拆抵擣
奔走轉徙之害不起而人乃克鳩類集族歌舞悅懌用
祇於元德徒奮袒呼犒迎義旅謹動六合至於麾下大
盜豪據阻命遏德義威殄戮咸墜厥緒無劉於虐人乃
並受休嘉去隋氏克歸於唐躑躅謳歌灑灑和寧帝庸
威栗惟人之爲敬奠厥賦積藏於下是謂豐國鄉爲義
廩斂發謹飭歲丁大禋人以有年簡於厥刑不殘而懲
是謂嚴威小屬而友大生而孥愷悌祇敬用底於理凡
其所欲不謁而獲凡其所惡不祈而息四夷稽服不作
兵革不竭貨力丕揚於後嗣用垂於帝式十聖濟厥治

孝仁寬平惟祖之則澤久而愈深仁增而益高人之戴
唐永永無窮是故受命不於天於其人休符不於祥於
其仁惟人之仁匪祥於天匪祥於天茲惟貞符哉未有
喪仁而久者也未有恃祥而壽者也帝曰謀哉乃黜休
祥之奏究貞符之奧思德之所未大求仁之所未備以
底於邦治以敬於人事其詩曰於穆敬德黎人皇之惟
貞厥符浩浩將之仁函於膚刃莫畢屠澤燄於爨沸炎
以澣殄厥凶德乃毆乃夷懿其休風是煦是吹父子熙
熙相寧以嬉賦徹而藏厚我糗糧刑輕以清俾我靡傷
貽我子孫百代是康十聖嗣於理神后之子子思孝父

易患於已拱之戴之神其祐爾載揚於雅承天之嘏天之誠神宜鑒於仁神之曷依宜仁之歸濮汭於北祝粟於南幅員西東祇一乃心祝唐之紀後天罔墜祝皇之壽與地咸久曷徒祝之心誠篤之戶協人同道以告之俾億萬年不震不危我代之延永永毗之仁增以崇曷不爾思有號於天僉曰嗚呼咨爾皇靈無替厥符

淵鑑類函卷四十七

淵鑑類函卷四十八

帝王部九

帝誕
幼智

奇表
潛晦

帝系
殷憂

帝誕一

增冊府元龜曰帝王之生必有休應豈非天命所屬歷數斯在警生靈之耳目爲天飛之兆朕者乎故神祇幽贊靈物保護冥符夢感昭啓聖跡紛綸雜遝觸類而長諒不可談悉矣歷代而下質文斯變緣情之禮隨時而作亦以極臣子之誠顯邦家之慶紀乃誕日崇乎美名由是陳宴享之禮洽魚藻之歡設桑門之饌修福田之事公卿士庶爲節物以相遺諸侯牧守奉貢珍而來觀

斯亦一時之盛觀百王之所不易者矣

原榮氏曰人

皇兄弟九人生於荆馬山身九色

帝王世紀曰燧人

之世有大人跡出雷澤華胥履之生庖犧氏於成紀也

增

拾遺記曰庖犧所都之國有華胥之洲神母遊其

上有青虹繞神母身久而方滅即覺有娠歷十二年而

生庖犧又遁甲開山圖曰仇夷山四絕孤立太昊之治

伏羲生處

原

帝王世紀曰神農氏母曰妊姁有喬氏

之女名女登遊於華陽有神龍感女登於常羊生炎帝

又曰黃帝母曰附寶見大雷繞北斗樞星照郊野感

附寶孕二十月生黃帝於壽丘

又曰少昊母曰女節

黃帝時有大星如虹下流華渚女節夢接之意感而生

少昊是為元皞

河圖曰生白帝朱宣

增

休子曰少昊生於稗華

之渚其渚一旦化為陵鬱鬱蔥蔥焉

原

帝王世紀曰

顓頊母景僕蜀山氏女為昌意正妃謂之女樞金天氏

之末瑤光之星貫月如虹感女樞幽房之宮生顓頊於

若水首戴干戈 春秋合誠圖曰堯母慶都出觀三河

奄然陰風赤龍與慶都合生堯 又曰赤帝之精生於

翼

詩含神霧曰慶都與赤龍合婚生赤帝伊祁稷也

帝王世紀曰陶唐之世

握登見大虹意感生舜於姚墟

尚書帝命驗曰姚氏繼華感樞注曰舜母感樞

星之精而生舜重華

又曰禹母有莘氏曰志是為修己山行見

帝王部

帝誕

流星貫昴意感慄然又吞神珠薏苡胃坼而生禹

蜀王本紀

曰禹母含珠孕禹坼臍而生於塗山

開山圖注云女

秋暮及石紐山下泉中得月精如雞子愛而吞之遂孕

史記曰帝嚳少妃有娥氏女簡狄以春分元

鳥至之日祀於高禘有元鳥遺其卵簡狄吞之孕生契

為殷始祖

列女傳曰簡狄者帝嚳之少妃有娥氏之女浴於元丘之水有元鳥銜卵而墜五色簡狄

得而吞之遂生契

又曰帝高陽氏元妃姜嫄見大人之跡履

之欣然若感而生后稷棄之寒冰之上鳥翼覆之又棄

之隘巷牛羊乳之又棄之平林之上人收養之為周始

祖 楚辭注云禹治水時自化為熊以通輶轅之道塗

山氏見之而慙遂化為石時方孕啓禹曰歸我子於是

石破北方而啓生其石在嵩山 帝王世紀曰主癸之

妃曰扶都見白氣貫月意感以乙日生湯故名履字天

乙是謂成湯 **增**金樓子曰成湯母感狼星之精又感

黑龍而成 **原**春秋元命苞曰姬昌蒼帝之精位在房

心 宋均注曰蒼帝靈威仰 帝王世紀曰漢昭靈后名舍始遊浴

池有玉雞銜赤珠出刻曰玉英吞此者王舍始吞之生

高祖 史記曰高祖母媪嘗息大澤之陂夢與神遇時雷電晦冥父太公往視見交龍於上已而有娠遂生

高祖 **增**漢書曰高祖薄姬夢龍據其胷以告帝帝曰是

貴徵也遂生文帝 **原**漢武內傳曰景帝坐崇方閣上

有丹霞起赤龍盤棟間使王夫人居之改爲猗蘭殿後

帝王世紀

王夫人夢日生武帝

漢武故事曰王皇后納太子宮

得幸有娠夢日入懷

增漢紀曰昭帝十四月而生立

堯母門

前漢書曰孝成帝母王皇后生帝於甲觀畫

堂

原東觀漢記曰光武父欽令濟陽有武帝行宮上

將生欽開後殿居之時有赤光之異室中盡明 搜神

記曰初孫堅夫人孕而夢月入其懷旣而生策及權在

孕又夢日入其懷以告堅曰昔妊策夢月入我懷今也

又夢日入我懷何也堅曰日月者陰陽之精極貴之象

吾子孫其興乎

增魏文帝生時有雲氣青色圓如車

蓋覆其上

原晉中興書曰中宗元皇帝初誕有神光

之異一室盡明所藉橐如始刈

增宋符瑞志曰武帝

居在丹徒始生之夜有神光照室其夕甘露降於墓樹
皇考以高祖生有奇異名爲奇奴皇妣既歿養於舅氏
改爲寄奴焉 北魏紀曰道武母賀氏初因遷徙遊於
雲澤旣而寢息夢日出室內寤而見光自牖屬天歛然
有感生帝於參合陂北其夜復有光明 又曰孝文母
李夫人皇興元年八月戊申生於平城紫宮神光照於
室內天地氛氲和氣充塞 又曰宣武母高夫人初夢
爲日所逐避於牀下日化爲龍繞已數匝寤而驚悸旣
而有娠生帝於平城宮 南史曰梁武帝母張氏嘗夢

抱日已而有娠遂產帝 又曰初后嘗於室內忽見庭

前菖蒲生花光彩照灼非世中所有后驚視謂侍者曰
汝見否對曰不見后曰嘗聞見者當富貴因遽取吞之
是月產高祖將產之夜后見庭內若有衣冠陪列焉

南史紀曰梁孝元帝母阮修容在采女次侍始褰戶幔
有風回裾武帝意感幸之夢月墮其懷中遂孕生帝時
舉室中非常香有紫胞之異武帝奇之 隋紀曰高祖

母呂氏生高祖於馮翼般若寺紫氣充庭有尼來自河
東謂皇妣曰此兒所從來甚異不可於俗間處之尼將
高祖舍於別館躬自撫養皇妣嘗抱高祖忽見頭上角

出徧體鱗起皇妣大駭墜高祖於地尼自外入見曰已
驚我兒致令晚得天下 唐紀曰高祖生於長安是日
紫氣充庭神光照室 又曰太宗在孕而語聲達於外
后心異之將誕育后不之覺而太宗已生有慶雲見彌
漫數里上屬於天二龍戲於門外水中經三日乃沖天
而去 唐書曰太宗貞觀二十年十二月謂長孫無忌
等曰今日吾生日世俗皆爲樂在朕翻成感傷詩云哀
哀父母生我劬勞何以劬勞之日更爲燕樂乎 唐實
錄曰明皇帝以垂拱元年八月五日生於東都開元十
七年丞相源乾曜張說上表曰少昊著流虹之感商湯

本元鳥之命陛下二氣合神九龍浴聖月惟仲秋日在
端五常星不見之夜祥光照室之朝請以爲千秋節著
之甲令布之天下咸令宴樂羣臣以是日獻甘露醇酎
上萬歲壽酒王公戚里進金鏡綬帶士庶以結絲承露
囊相遺問邨社作壽酒宴樂名爲賽白帝報田神上明
元天光啓大聖下彰皇化垂裕無窮帝手詔報曰當朕
生辰卿等請爲令節上獻嘉名自我作古是爲美事依
卿來請宣付所司

帝誕日爲令節自此始

舊唐書曰明皇在東

宮爲太平公主所忌后時方娠太子密謂張說曰用事
者不欲告多息胤恐禍及此婦人密令說懷去胎藥而

入太子於曲室躬自煮藥醺然似寐夢神人覆鼎如是者三太子異之以告說說曰天命也無宜他慮既而后果生肅宗即位後號天成地平節柳氏舊聞曰肅宗吳皇后坐父事沒入掖庭開元二十二年明皇幸忠王邸見王服御蕭然傷無勝侍選掖庭宮人以賜之而吳后在籍中頃之后侍寢厭不寤吟呼若有痛氣不屬者良久方寤肅宗問之后手掩其左脇曰妾向夢有神人長丈餘介金操劍謂妾曰帝命與汝作子自左脇以劍沒而入腹痛殆不可忍肅宗驗之於燈下若有縫而赤者存焉遂生代宗冊府元龜曰代宗生於東都上陽

宮之別殿明皇幸溫湯有望氣者云宮中有天子氣明
皇即日還宮是夜帝降誕 唐實錄曰穆宗七月六日
降誕尚書左丞韋綬請誕日百官詣光順門先賀皇太
后然後上皇帝壽書之史冊光示萬古帝欣然納焉其
後竟以降誕受賀禮無所據罷之 又曰文宗朝中書

門下奏云陛下馭三統之元膺千年之運當誕聖之日
為河清之祥夫四時成歲百穀成實必在首冬用成神
化請以十月十日為慶成節是日於宮中奉迎太皇太
后與昆弟諸王盛陳宴樂羣臣詣延英門奉觴上千萬
歲壽州府置宴一日上悅從之 宋受命錄曰太祖生

於洛陽夾馬營初太祖母杜氏夢日入懷而孕生之夕
神光照室胞如菡萏被五色三日不變異香馥郁經月
不散人因號其地爲香孩兒營 宋史曰太宗母杜氏
夢神人捧日以授已而有娠遂生帝於浚儀官舍是夜
赤光上騰如火閭巷聞有異香 又曰宋仁宗母李氏

夢一羽衣之士跣足從空而下云來爲汝子明年生仁
宗仁宗幼年每穿履屨即亟令脫去嘗徒步禁中皆呼
赤脚仙人蓋古之得道李君也 元符宮石刻曰真宗
嘗遣左璫詣茅山祈嗣遇王異人言王真人已降生於
宋朝璫問王真人本是何人曰古燧人氏章懿亦夢羽

衣數百人從一仙官自空而下曰此託生於夫人及仁
宗生宮中火光燭天始行步嘗持槐木簡以箸鑽之真
宗問何用曰試鑽火爾帝顧謂妃曰異人之言信不虛
矣 宋史事實曰英宗濮王允讓子也生於宣平坊赤
光滿室或見黃龍遊室中初王夢兩龍與日竝隨以衣
承之復戲於室中其一龍視王曰吾非王所能有後仁
宗立爲皇子 又曰神宗生於濮王宮羣鼠吐五色氣
成雲 武夷志曰當神宗之未生也武夷山道士吳懷
玉有道術指武夷君像曰歲在戊子降爲人主又指魏
王像曰三十有八載當繼世御極撫平四海後其語皆

驗 方輿勝覽曰宋建守陳覺民過武夷山詩升真洞
口接天門靈草丹桃日日春聽說列仙來瑞世三朝德
業在斯民蓋真宗神宗哲宗皆武夷仙真應世故有三
朝德業之句 湖海新聞曰韋后初生高宗時夢金甲

神人自稱錢武肅王即錢鏐也年八十一高宗亦年八
十一卜都錢塘事不偶然 宋史事實曰孝宗太祖七

世孫也父秀王母張氏夢府君擁一赤羊來遣之曰以
此爲識已而有娠以建炎元年生於秀州杉青牖之官
舍紅光滿室如日正中 遼史曰太祖母蕭氏夢日墮
懷中有娠及生太祖室有神光異香體如三歲兒即能

匍匐 名山藏曰當皇妣娠夢黃冠授一丸有光吞之
覺而口尚聞香明日生太祖於土地祠中白氣貫空異
香經宿祠中神驚避數里 又曰明宣宗始生之夕成
祖夢高帝授以大圭命曰傳之子孫永世其昌

帝誕二

增華渚

姚墟

華渚少昊所生
姚墟舜所生

赤龍

元鳥

赤龍堯
之瑞

元鳥契
之瑞

流星

乙日

流星禹之瑞
湯生於乙日

星精

日角

星精

湯之瑞
之象以上俱詳帝誕一

日角

漢高祖

丹陵

若水

王元長曲水序
曰丹陵若水之

舊注曰堯生丹
陵顓頊生若水

五麟

七鳳

光武生赤光照室
影如五麟七鳳

鶴

算

山呼

唐昭宗誕日表曰年
同鶴算壽比山呼

社鳴

河清

運命論
曰里社

鳴而聖人出生
河清而聖人生

電繞樞

星貫月

電繞樞黃帝之瑞
星貫月顓頊之瑞

日入懷

龍盤棟

日入懷宋太祖之瑞
漢武帝之瑞以上俱詳帝誕一
龍盤棟

獻金鏡

賜錦袍

唐開元千秋節王公戚里進金鏡
唐明宗應聖節賜宰臣錦袍香囊手

樂帕酒

王者興

聖人出

孟子曰五百年必有王者興
揚子曰或問五百歲而聖

人出有諸曰堯舜禹君臣也
而並文武周公父子也而處

猗蘭殿

堯母門

漢武

門漢昭帝事

堯母

鉤弋宮

尚冠里

漢昭帝生於鉤弋宮
漢元帝生於

尚冠里以上
俱詳帝誕一

麟德講經

曲江賜宴

唐德宗貞元十
四年召儒冠沙

門道士於麟德殿升坐講論
後類江河同歸於海帝大悅
唐文宗八年慶成節賜

宴於

神光

紫氣

神光宋武帝之瑞
漢高祖之瑞詳帝誕一
紫氣

異香

經宿

五緯聚奎

宋太祖生異香經宿不散
宋乾德
五年五緯如連珠聚於奎明年真宗

帝王部

帝王部

生

菖蒲花生

靈芝葉茂

菖蒲花生 梁武帝事詳見

宋仁宗誕降郭

后榻下生靈芝四十二葉 後仁宗享國四十二年

玉雞

金龍

玉雞漢高祖 金龍

宋英宗之瑞 俱詳帝誕一

獻千秋鏡

奏無逸篇

唐書張九齡於 明皇誕降日上

事鑑十章名千秋金鏡錄 高宗天中節張俊奏無逸篇

九龍浴聖

五緯聯

光

九龍浴聖唐明皇千秋節表 五緯聯光宋真宗之瑞

列山神井

南頓嘉

禾

光武

玉斗儲算

金篋賜齡

樞紐薦符

句芒錫

爵

以上見 玉海

帝王有真瑞應流虹之始

天地開泰慶

逢彌月之良

得位得名得壽坐鎮皇圖

如岡如阜

如山增繇神算

紫微為天子居但勤端拱

華封祝

聖人壽更願多男

雲闕觚稜徒切瞻天之想

露囊

金鑑益殫報上之誠 穹昊儲休光輔億萬年之祚

聖神間世適符五百歲之期 奉玉卮之壽常拜手於

周行 上金鑑之書第馳心於魏闕 當嵩岳三呼之

旦 歌周王萬壽之詩 曉望五雲之彩共抃舞於西

清 夜瞻列宿之文喜輝騰於南極 五百里侯五百

里甸正切葵傾 八千歲春八千歲秋第勤椿祝以上俱出

翰院新書

帝誕三

原有娥方將帝立子生商 誕彌厥月先生如達 不

坼不副無災無害 生此文王 篤生武王 履帝武

敏歆

以上並毛詩

生於翼下堯

產於良辰

履大人跡

燧人氏又后稷

白氣貫月

成湯

姚氏從華感樞

注曰從生也舜母握登感

樞星而生重華

修己感流星

禹

感蛇而生

女登感神炎帝

黃雲覆蓋

堯詳雲

雷電晦冥

漢高祖

修己吞神珠

禹

含始吞赤珠

漢高祖

元鳥銜卵

契

二十月生黃帝

十四月堯帝生

赤光照室

青雲如蓋

魏文帝

夜

有赤光

光武

生有神光

宋武帝

黃帝生壽丘

顓頊生

若水

庖犧生成紀

夏后生塗山

文王生岐山

武王生元氏

神農生石穴

帝堯生石乳

禹生石

紐 啓生碓石

嘉禾九穗

光武

橐草成禾

鳳皇來

集

光武

甘露降樹

宋武帝以上俱詳帝誕一

增

日逐

北魏宣武帝

抱

日

梁武帝

紫胞

梁孝元帝

承露囊

唐明皇

神覆藥鼎

唐肅宗

胞如菡萏

宋太祖

赤脚仙人

宋仁宗以上詳見帝誕一

諸道獻

珍

唐代宗永泰二年誕降日諸節度使進獻珍玩自是歲以為常

三世丁年

宋高宗生於丁

亥孝宗生於丁未光宗生於丁卯

光明耀腹

元史曰元始祖

楊誠齋詩曰誕辰三世總丁年

水浮紅羅山

母曰阿蘭屢有光明耀腹一乳三子季曰字端又兒其後子孫蕃盛遂有天下

帝誕四

增

表唐獨孤及肅宗天長節進鏡表曰當白露戒序之

秋是黃河澄清之日臣幸逢佳節願展微誠謹進二鏡

帝王部

增

帝誕

一獻聖皇一獻陛下伏以聖皇執契垂化有如金玉之
式陛下時乘御天騁飛龍於國步故以金龍飾鏡以表
聖德伏冀纖塵莫翳朗鑒常懸挂仙臺如日之升含萬
物無私不照 唐文宗慶成節表曰帝王有必著之祥

神靈無虛應之兆所以電繞樞極氣感虹流元鳥祚商
赤光啓漢考驗今古章焯圖書伏惟陛下馭三統之元
膺千年之運當誕聖之日爲河清之祥元律應期乾宮
以之定位開冬戒節水德表其靈長道若合符事光載
籍請以十月十日爲慶成節積嘉祚於元命慶延洪於
昌期上表中興之耿光次復開元之盛典 昭宗嘉會

節賀表曰臣聞聖人受命天必降其殊靈王者應生國必蒙其介祉故華渚有流虹之異元樞呈大電之祥而皆近感神明遠符乾象叶千年而啓運契六合以居尊伏惟陛下德邁方圓道融三五因社鳴而正位逢井聚以樂推值清明馭氣之時當仁壽悅隨之始固可同年鶴算比歲山呼永符垂拱之風長保後天之慶後唐李愚末帝清泰元年誕降日表曰改朔體元固聖主之能事良辰嘉會亦化俗之大端蓋周人有合宴之儀漢代有賜酺之律所以詠歌皇德啓迪人情至若泛菊高臺遂號重陽之節流杯曲水永爲上巳之遊在昔偶行

於今不改豈足比君臨四海運應千年畫璿圖而敬授
民時秉玉燭而節宣和氣身為律度德合乾坤仰惟樞
電之祥最是寰區之樂願從人欲特創節名伏惟陛下
動遵典法克叶祖宗方今玉燭高懸璿樞廣運告成功
於朝社正大禮於宮闈是以舞干率服於三苗班瑞雍
熙於萬國今獻歲元正之月是猗蘭降聖之辰梅花暎
雪於上林椒酒迎春於祕殿江邊野老願鑿輅之時巡
陌上遊童醉堯尊而獻祝謂於是月特舉節名副與人
共樂之言致率土交歡之義 馮道晉少帝啓聖節表
曰大電繞樞哲后繼羲農之運五星聚井真人啓文景

之基昌圖允洽於千年嘉號宜光於載誕不有稱述曷
顯休明伏惟陛下玉律調元金華啓旦上帝錫九齡之
夢道人聞下武之詩德洽無爲民知有慶當大雨時行
之日乃常星不見之辰將歡寓縣之心竊效華封之祝
請以六月二十七日爲啓聖節著於甲令告彼萬方使
地角天涯望南山而祝壽九州四海仰北極以傾心誠
乖致主之功輒敢稱君之美 後漢隱帝嘉慶節表曰
色變長瀾肇皇靈之寶構光流華渚開聖緒於瑤圖莫
不慶洽同文光昭大象刻玉波汭於鳳紀鳴金飈振於
洪猷所以灑氣凝空編爲令典神光燭夜允叶昌期伏

惟陛下守位以仁繼明以德化敷有感慶洽無疆當九龍浴聖之辰是五緯聯光之夕凡蒙地載共戴天長

周世宗天清節表曰壽丘降跡爰符出震之期里社應祥式契承乾之運頃觀舊史抑有彝章幸當載誕之辰仰奉延洪之號陛下道超九聖祚啓千齡紹文武之耿光比成周之迪哲自登大寶益顯聖功運龍韜而親御戎車仗金鉞而立平寇賊破幽并之妖孽救澤潞之生靈觀兵而直抵晉陽奮武而遠臨代北飲至纔逾於旬日覃恩已被於八方四塞關山漸息煙塵之警萬邦臣妾咸登仁壽之鄉今則候屬澄河時當降聖是甲觀懸

弧之日乃銅律禦戶之時鰈水鷄林望堯雲而獻祝桓
圭穀辟趨禹會以駿奔叨遇休明俱塵祿位荷君父巍
巍之德伸臣子縷縷之誠祇肅典謨尊奉宸極請以九
月二十四日爲天清節所冀金相玉振貞寶曆以彌新
地久天長煥青編而不朽 宋周必大賀天申節表曰
天生民而立之君茂啓中興之運臣歸美以報其上共
欣夙戴之期伏惟陛下配德乾坤合明日月御赫赫炎
災之祚成巍巍蕩蕩之功欣樞電之呈祥舉華夷而賴
慶嚴恭寅畏而自度已迪哲於四人虛靜恬淡而無爲
方成純於萬歲臣猥司外閫阻造近班使富使壽而多

男願上堯封之祝宜人宜民而受祿載賡周雅之章
宋趙汝談瑞慶節賀表曰社鼓斗樞赫聖朝之誕節川
珍嶽貢湊良月以畢來惟君萬邦受天百祿伏惟陛下
凝旒思道畢服圖功恢大德以保民而遠人爭致順附
殫小心於事帝而否數轉爲嘉祥率土謳歌望雲祈戴
願躡九皇之軌歲稱萬壽之觴臣屬在外司阻班庭賀
獻書金鏡老非翰墨之才通表銀臺遠有韶鈞之夢
朱熹賀聖節表曰盛德當陽光啓重熙之運羣心就日
樂推歸美之誠有開繞電之祥敢罄祈天之禱恭惟陛
下慶流有衍德合無疆膺曆數以在躬垂衣裳而致治

接黃帝推莢迎日之統以莫不增過周家定鼎卜年之
期自今其始臣承流支郡幸際昌辰鼇忭千官班阻趨
於文石嵩呼萬歲祝敢後於華封 宋史文昌賀聖節
表曰穹昊儲休光輔億萬年之祚聖神間世適符五百
歲之期藹佳氣於乾坤溢歡聲於朝野恭惟陛下河清
應運電繞降祥勤儉本於性資忠厚循乎家法福全洪
範符周后之歷年莢受泰元邁漢家之永世與天齊久
如日方升臣職守藩符籍通禁橐曉望五雲之彩阻班
賀於西清夜占列宿之文喜輝騰於南極 方岳賀聖
節表曰惟天數五正淵獻之孟陬聞嶽呼三增泰元之

神英星樞明潤海宇清夷恭惟皇帝受命溥將躋民仁
壽華夏蠻貊罔不率登茲太平國家閒暇及是時所其
無逸祥開甲觀春在寅階臣幸假熊馮嘗陪獸舞河千
里一曲雖遠京師京二首六身但欣歲紀危巽齋賀
瑞慶聖節表曰數盈良月正天地之清明瑞紀流虹極
山河而輝映臣工抃舞海表謹呼恭惟皇帝心廣慈仁
化行恭儉光啓重離之運慶申初度之辰克全堯舜之
聰明相傳一道將復文武之境土紹開中興臣再拜皇
華恭逢誕節五雲影轉望切近於蓬萊萬歲聲傳祝實
同於嵩岳李劉賀天基節表曰正月始和觀象越二

三之日皇天眷命飛龍乘九五之時百祿是宜四方來
賀恭惟皇帝聰明淵懿篤實光輝體乾之元首庶物而
寧萬國乘震以出轉一氣而開八荒瑞宿應於虹流曆
誕增於鳳紀臣仰瞻北極遙頌南山蜀道青天身況居
於蜀徼華陽黑水祝請效於華封 李梅亭賀天基節

表曰虞帝生於甲子衍鼎盛之春秋周伯見於丙丁麗
離明之日月俶開鎬宴肇聽嵩呼恭惟陛下聖武神文
剛健篤實五百慶千秋之節博觀金鑑之篇三朝受四
海之圖始御五觴之享混九州而共貫斂五福以誕敷
臣將指雪邊傾心日表祠雞蜀道粗知蜀父老之情歸

馬華山尤切華封人之祝 方烏山賀天基節表曰龍
尾伏辰當良月肅清霜之候虹祥流渚適真人下丹極
之期鼎祚山安衢謠海溢恭惟陛下澤覃萬宇統接千
齡納物象於熙和含生豐泰成治功於易簡取法乾坤
日升月常風行雷動寅畏自度於昭享國之祥靜樂難
名益見為仁之壽臣拱瞻極北留繫周南豹尾雲垂第
馳神於漢殿虎彝霞泛等祝算於華封 元李之紹賀
聖節表曰寶曆建元協重華之嘉運瑤光貫月開上聖
之貞符盛德在秋昊天有命恭惟陛下聰明稽古孝友
根心丕顯文謨端拱巖廊之上達觀新邑式均道里之

中揆震宿之昌辰卜豐穰於今歲璇璣肇紀玉斗儲祥
臣等肅謹班聯遙瞻粹穆宣昭鴻業載賡七月之詩者
定武功願上萬年之雅 鄧文原賀聖節表曰天開景
運篤有道之曾孫電繞神樞受介福於王母觚稜瑞靄
闡闔臚傳恭惟陛下誕紹鴻圖丕承駿命至仁育物得
秋而萬寶成盛德在躬居所而衆星拱當立經陳紀之
始爲施仁發政之規郊廟肇禋朝野胥樂臣等名叨玉
署目極璇霄廣文王有聲之詩載歌律呂衍殷宗無逸
之壽虔祝華嵩 虞集賀聖節表曰春回正月律和舞
鳳之庭日浹芳甸瑞紀流虹之渚縟儀游舉治象更新

恭惟陛下盛德在躬至仁育物紫微華蓋煥乎經緯之
爲章朱草醴泉妙與生成而合化天開壽域人樂熙辰
臣等弱翰無功清光有赫對揚休命絲綸緝黼黻之文
歌頌永年簡冊載衣裳之治 明表煒賀萬壽節表曰

皇天昭特眷開貞元妙合之昌期聖主握靈圖會曆象
希逢之奇數際中秋而臻誕節適同日而遇景躔應聖
神永命之符洽臣庶齊天之祝恭惟皇上心涵太始道
貫重元以日月爲光以雨露爲澤以雷霆爲威二儀總
歸於闔闢以陰陽爲瑞以四時爲柄以星辰爲紀萬化
咸屬於綱維敬授人時順五行而調六氣欽若天道齊

七政以敘九功甘雨屢祈而應祈靈貺昭孚於夏序太
陽當食而不食麻祥疊現於朔辰信至德卓冠於無倫
斯元機聿彰於曠世茲者律諧南呂瑞啓上旬屆震夙
之期協休徵之旦歲在酉而月亦在酉候正金衡誕輪
丁而度亦輪丁光聯玉緯電虹煥彩清秋耀毓聖之祥
木火通明紫極注常生之照雖巧曆莫窮其祕實上帝
默運其樞自生民以來未有妙於今日惟聖人首出獨
能合乎先天是造化千百年之禎久儲而始發我皇上
億萬載之紀不占而有孚矣臣等叨列九曹懽逢二慶
仰誕辰之創見知遐齡配二極以長存瞻景度之非常

卜聖算後三光而難老集衣冠於萬國共稱北斗之觴
率拜舞於千官永獻南山之頌伏願佩珍符而久視御
玉曆以常安格太清奠太寧丕顯太平於有象斂萬福
享萬祿彌昌萬壽於無疆

增頌唐于邵降誕頌序曰皇唐八葉之中興提天綱披

寶圖臨八紘俯萬物垂鴻儲休粵十有七年元冬陽月
旬外三日天子居北堂左个受厥初之慶自予弼暨羣
官丞令咸歸休澣則歌康衢樂壽域者具百姓之歡心
乃有司諫掌綸之臣當右掖分宵之直望闈闔沐熏風
齋心以虔稽首獻頌其詞曰甲光畫堂繞樞神光十月

良月降生我皇煜殊祥兮纘武繼文時惟聖勲格苗戡
黎爲天下君望如雲兮蒼蒼海隅達我天衢七戎蠢狄
西殲北徂外無虞兮白翟遐通嘉禾薦豐兩樹連理五
雲飛空歸大同兮金闕峨峨清晨伊何萬國筐篚千門
詠歌歆太和兮舜膳以甘堯尊以酎誕彌之朔旬而有
三湛恩覃兮南山於前北辰於天臣某獻壽維億萬年
象帝先兮

增詩唐明皇千秋節詩曰蘭殿千秋節稱名萬歲觴風
傳率土慶日表繼天祥玉宇開花萼宮懸度會昌衣冠
白鷺下鸞幕翠雲長獻遺成新俗朝儀入舊章月銜花

綬鏡露綴綵絲囊處處祠田祖年年宴杖鄉深思一德
事小獲萬人康 張說奉和千秋節詩曰五德生王者

千齡啓聖人赤光來照夜黃雲上覆辰海縣銜恩久朝
章獻壽新高車帝座出夾道衆官陳禦仗洗晴景磬管
凝秋旻珠囊含瑞露金鏡抱遷輪何歲無鄉飲何田不
報神熏歌與名節傳代幸羣臣 張說皇帝降誕日集

賢殿賜宴詩曰仲秋金帝起五日玉行昭瑞表壬寅露
光傳甲子宵陰風吹太澤夢日照昌朝不獨華封老千
年喜祝堯 王維奉和聖製天長節賜宰臣歌應制曰
太陽升兮照萬方開闔闔兮臨玉堂儼冕旒兮垂衣裳

金天淨兮麗三光彤廷曙兮延八荒德合天兮禮神徧
靈芝生兮慶雲見唐堯后兮穆禹臣匝宇宙兮華胥人
盡九服兮皆四鄰乾降瑞兮坤獻珍王維獻壽詞曰
宮殿參差列九重祥雲瑞氣捧階濃微臣欲獻唐堯壽
遙指南山對袞龍劉兼長春節詩曰聖朝佳節遇長
春跪捧金爐祝又焚寶藏發來天地秀兵戈銷後帝皇
尊太平基址千年永混一車書萬古存更有馨香滿芳
檻和風遲日在蘭蓀元王暉萬壽節出左掖門詩曰
禁漏穿花夜已央宮槐籠曉色蒼蒼殷勤一點東華日
先到紅鸞扇影光隔夜端門分版位平明簪笏列鸞

行紫雲低覆千官拜潤入金爐百和香 羯鼓聲高吹

管清九天合作鳳鸞鳴侍儀贊喝三成後罄折齊呼萬

壽聲 花映巖廊近紫宸宮官行酒過三巡共攜滿袖

香煙出散作都城十日春 對品分班玉筍行一時望

拜殿西廂百官燕出宮闈靜疎雨濛濛溼建章 明高

啓聖壽節早朝詩曰天啓聖圖昌流虹叶夢祥飛龍起

江左戰馬放山陽御柳垂閭闔仙桃熟建章遠人陳貢

篚近侍浥爐香金鏡千秋錄瑤池萬歲觴小臣歌拜手

堯日正舒長 于慎行萬壽聖節賜白金文幣及鏤金

萬壽福祿篆字銀書黃朱靈符等物紀恩詩曰華渚祥

開禁籞天恩光每覺近臣偏
函加白璧來天上錦散紅
雲出日邊裁就靈符華舜旦
鑄成寶畫記堯年銜恩効
祝慙無補金鑑先時獻御筵

增致語明費宏萬壽聖節致語曰五百年而生聖哲不
承莫大之基八千歲以爲春秋茂衍無疆之慶方高張
於鎬宴共遙聽於嵩呼海宇均歡神人胥悅恭惟陛下
聰明睿智齊聖廣淵應曆挺生有電繞虹流之瑞受天
眷命協龍飛虎變之占運際豐亨年方鼎盛誕敷聖德
舞干羽者兩階盡撫周邦執玉帛者萬國維此長生之
節蓋當極治之時郁郁祥雲常盤旋於紫禁蔥蔥佳氣

每簇擁乎彤闈大開錦繡之筵彷彿瑤池之會龍笙鳳
管頻催萬壽之觴火棗交梨迭獻千年之果敘箕疇之
五福應華祝之三多純佑益隆繇延不替家家戶戶喜
壽域之弘開歲歲年年保聖躬之康泰

奇表一

原河圖曰蒼帝望之大視之博白帝望之明視之義

又曰蒼帝方面赤帝圓面白帝廣面黑帝深面 帝王

世紀曰庖犧氏蛇身人首有聖德

王延壽魯靈光殿賦曰伏羲蛇身女媧蛇

增拾遺記曰庖犧長頭修目龜齒龍脣眉有白毫

鬚垂委地 **原**帝王世紀曰帝女媧氏風姓也亦蛇身

人首一曰女希

又曰神農氏人身牛首

春秋命歷敘曰有神人名

石年蒼色大眉戴玉理注玉理猶玉英神農也

又曰黃帝龍顏

又曰帝顓

項首戴干戈

又曰帝嚳母不覺而生駢齒有聖德

春秋

元命苞曰帝嚳戴干是謂清明宋均注曰干盾也

又曰堯母曰慶都孕十四

月而生堯於丹陵名曰放勳鳥庭荷勝眉有八采豐下

銳上

尚書大傳曰堯八眉八采是謂通明歷象日月璇璣玉衡

春秋元命

春秋合誠圖曰赤帝之為人視之豐長八尺七寸

又曰舜目重瞳故名重華

春秋元命苞曰舜重瞳子是為滋涼宋均注滋涼有滋液之潤且清涼光明而多見

重瞳大口手握褒注重瞳象電多精光也大口象斗屋口也握褒手中有褒字喻從勞苦起受褒飾致大祚也

注曰衡衡有骨表如日者也惟讀鍾鑪鍾平輕重者也

帝王部

握石椎知璇璣之道也懷神珠喻聖智也

又曰伯禹虎鼻大口兩耳參漏

首戴鈎鈐曾有玉斗足文履已故名文命字高密身長

九尺二寸

洛書曰有人出石夷握地代戴成鈐懷玉斗鄭元注懷璇璣玉衡之道姚氏以禹曾

子如北斗

尸子曰禹長頸鳥喙面目亦惡矣天下從而賢之者好學也

又曰成湯豐下

銳上皙而有顙倨身而揚聲長九尺臂四肘

春秋元命苞曰四肘

是謂神肘

洛書黑帝子湯長八尺一寸珠庭

又曰文王四乳是謂含良蓋

法酒旗布恩舒明

酒者乳也能乳天

又曰文王昌龍

顏虎肩身長十尺曾有四乳

春秋合誠圖曰蒼帝之為人望之廣視之專而長九

尺一

春秋元命苞曰武王駢齒是謂剛強宋均注曰

重齒以為表

增

左傳王子朝使告諸侯曰定王六年

秦人降祆曰周其有顛王亦克能修其職至於靈王生而有顛王甚神聖無惡於諸侯

原河圖提劉曰帝季

日角戴勝斗胃龜背龍股長七尺八寸明聖寬仁好士

春秋孔演圖曰其人日角龍顏姓卯金含仁義
記曰爲人隆準而龍顏美鬚顛左股有七十二黑子

漢書曰昭帝諱弗陵武帝子也母趙婕妤本以有奇異得幸及生帝亦奇異

又曰宣帝足下有毛居臥數有

光耀

東觀漢記曰光武隆準日角大口美鬚眉身長

七尺三寸

又曰建武四年皇子陽生豐下銳上顏赤

色有似堯上以赤色名之曰陽年十三通春秋上循其

顛曰吳季子

增

魏書曰明帝天姿秀出立髮垂地

原吳志曰孫權字仲謀漢以孫策遠修貢職遣使者劉
琬加錫命琬語人曰吾觀孫氏兄弟雖各才秀明達然
皆祿祚不終惟中弟孝廉形貌奇偉骨體不恆有大貴
之表又最壽策薨以事授權江表傳曰孫堅爲下邳
丞時權生方頤大口目有精光堅異之以爲貴相及堅
亡策起事江東權常隨從性度弘朗仁而多斷好俠養
士**增**晉書曰宣帝有狼顧之相魏武欲驗之乃召使
前行令反顧面正向後而身不動**原**晉中興書曰中
宗元皇帝諱睿字景文世祖咸寧二年生於洛陽及長
白毫生日角之左眼有精曜唯侍中譙國嵇紹少而異

之謂其友曰琅邪王毛骨非常殆非人臣之相

增晉

書曰武帝初拜撫軍大將軍文帝欲以弟攸爲嗣何曾等曰中撫軍聰明神武乃超世之才髮委地手過膝非人臣之相也 後魏書曰道武帝目有光曜廣額大耳

後周書曰太祖身長八尺方額廣額美鬚額髮長委地垂手過膝背有黑子宛轉若龍之形面有紫光 南

史紀曰梁武帝生有異光狀貌殊特日角龍顏垂岳虎

顧舌文八字項有浮光身暎日無影兩髀駢骨項上隆

起有文左右手曰武帝兒時能蹈空而行 隋書曰文

帝爲人龍顏額上有五柱入頂目光外射有文在手曰

王周文帝見而歎曰此兒風骨不似人間人開皇三年
陳遣使來聘陳主知帝之貌異常令使潛畫帝相而歸
唐書曰高祖體有三乳左腋下有紫誌如龍隋上食
奉御郭道弘善相言曰天中伏犀下接如眉此非人臣
之相願深自愛 舊唐書曰高祖之在岐州太宗時年
四歲有書生自言善相謁高祖曰公貴人也且有貴子
見太宗曰龍鳳之姿天日之表年將二十必能濟世安
民高祖懼其言泄將殺之忽失所在因以世民命名
唐書曰肅宗爲忠王時張說曰嘗見太宗寫真圖忠王
英姿秀發奇表非常實類聖祖乃社稷之福也 後唐

書曰莊宗爲嬰兒體貌奇特年十一入覲獻捷唐昭宗一見駭異之曰兒有奇表乃撫其背曰兒將來勿忘忠孝於子家 又曰末帝長七尺餘方頤大顙材貌雄偉初在藩時洛陽市人王安善相見之曰形如毗沙門天王非常人也 後漢書曰高祖面紫色目睛白多而有

光 後周書曰太祖頂上有肉角 通鑑曰宋太祖容

貌雄偉 天中記曰宋真宗左足指有文成天字 遼

史曰太祖豐上銳下目光射人 金世祖紀曰世宗鬚

顙長過其腹胷間有七子如北斗形 名山藏曰明太

祖日章天質鳳目龍姿聲如洪鐘奇骨貫頂 又曰明

憲宗廣額豐頤方面大耳目睛如漆光彩射人

奇表二

原慮義連珠

神農戴玉

春秋歷命序

伏羲龍狀

重華

日衡雜書靈準聽

戴天履陰

豐下銳上

湯成

帝嚳戴干

唐堯荷勝

堯眉八采

舜目重瞳

握袞

履已

舜手握履字禹足文履已

帝堯鳥庭

大禹虎鼻

紫額

白毫

上孫權下晉中宗

顓頊重脅

帝嚳駢齒

禹耳三漏

湯

臂四肘

日角

斗胃

俱漢高祖

增

隋文帝五柱入頂

唐高祖伏犀接脊

金世宗曾羅北斗

明太祖聲若

洪鐘

以上俱詳奇表一

奇表三

原太昊蛇形人首 鬚垂委地伏義 太帝人身牛首

懷玉柄 戴玉英神農 神農大眉春秋歷命序 顓頊駢幹

堯長十尺孔子 履翼堯 鬚長七尺堯 舜長六

尺帝王世紀 帝舜斗口契 湯長九尺 倨身揚聲成湯

周文望羊 周文長八尺三寸 虎肩 鳥鼻 陰

準 四乳俱文王 武王駢齒春秋元命苞 長頸鳥喙越王

長目鳥喙 秦始皇虎口河圖 高祖長七尺八寸河圖 龜

背龍股漢高祖 美鬚額 無如季相漢高祖史記 足下有毛

生而有鬚漢書 容貌莊麗漢明帝 手文握兵

帝 漢宣 帝 奇表

垂手下膝

烈

立髮垂地

魏明帝

睇盼煒如

毛骨非

常

俱晉中宗

增

體貌瓌異

魏太武帝

風格異常

文成帝

襁褓

岐嶷

魏孝文帝

原

龍行虎步

宋高祖

增

舌文八字

梁武帝

映日無影

梁武帝

黑子如龍

後周太祖

風骨不恒

隋高祖

手有王字

隋高祖

日角龍庭

紫誌如龍

三乳

俱唐高祖

儀軌偉麗

唐明皇

形如天王

後唐末帝

眼睛多白

後漢高祖

以上俱詳奇表一

體如三歲兒

遼史曰太祖初生體如三歲兒

項有異骨

名山藏曰明太祖為吳王時夢人置餅於項項肉隱起有異骨焉

龍犀

辨命論曰龍犀日角帝王

之表注曰額上有文鬚也

不世之姿

六代論

天姿玉裕

文選宴宣猷堂詩

帝系一

增冊府元龜曰夫結繩之初樸略茫昧莫獲而詳書契之後辨姓授氏可得而記太昊之前譜牒蓋闕帝鴻之後世緒具存司馬遷著之史記以存系表明乎受天命膺帝期者蓋以祖宗實有茂德所以後世承乎發祥若乃后稷播植周室於是隆興唐堯文思漢緒由其增盛蓋瓜瓞之相屬故蘿圖而有融魏晉以還方冊可考罔不緬藉先烈誕啓丕圖若乃積累之懿傳繼之盛蓋由德有厚薄源有淺深憑舊烈者蕃衍無世資者衰替今並考舊史披帝錄詳究厥終率用論次俾有條而不紊庶百世而可知矣

原史記曰帝嚳高辛氏者黃帝之

曾孫也父曰嶠極嶠極父曰元嚳元嚳父曰黃帝自元嚳與嶠極不得在位 帝王世紀曰舜姚姓也其先出自顓頊顓頊生窮蟬窮蟬有子曰敬康敬康生句芒句芒有子曰橋牛橋牛生瞽瞍妻曰握登生舜 **增**冊府

元龜曰大禹姁姓父曰鯀鯀之父曰顓頊顓頊之父曰昌意昌意之父曰黃帝禹者黃帝之元孫而顓頊之孫也 **原**國語曰元王勤商十有四葉而興賈逵注曰元

王謂契湯之祖 **增**冊府元龜曰周姬姓其先后稷名棄其母有邠氏女曰姜嫄爲帝嚳元妃出野見巨人跡踐之遂身動如孕者居期而生子是爲后稷 **原**帝王

世紀曰秦嬴姓也昔伯翳爲舜主畜多故賜姓嬴氏孝襄公始修霸業壞井田開阡陌天子命爲伯至昭襄王自稱西帝攻周廢赧王取九鼎至莊襄王滅東西周莊襄王崩政立爲始皇又曰漢出自帝堯劉姓也豐公生執嘉即太上皇也東觀漢記曰世祖光武皇帝高

祖九世孫出自長沙定王定王生春陵節侯春陵本在零陵郡節侯孫孝侯以土地下溼元帝時求封南陽蔡陽白水鄉因故國名曰春陵

增魏志曰太祖姓曹名

操字孟德漢相國參之後祖騰漢桓帝時爲中常侍大長秋封費亭侯養子嵩嗣官至太尉莫能審其生出本

末嵩生太祖

曹瞞傳云嵩夏侯氏子夏侯惇之叔父太祖於惇爲從父兄弟也

冊府

元龜曰魏文帝受禪後給事中博士蘇林董巴上表曰

魏之氏族出自顓頊與舜同祖 吳志曰孫堅字文臺

吳郡富春人蓋孫武之後也 晉書曰宣帝諱懿字仲

達姓司馬氏其先出自帝高陽之子重黎爲夏官祝融

歷唐虞夏商出守其職及周以夏官爲司馬其後程伯

休父周宣王時剋平徐方錫以官族因而爲氏漢楚間

司馬昂爲趙將與諸侯伐秦秦亡立爲陰王都河內漢

以其地爲郡子孫遂家焉自昂八世生征西將軍鈞鈞

生豫章太守量量生潁川太守雋雋生京兆尹防帝即

防之第二子也 齊書曰太祖諱道成漢相何二十四
世孫也何孫侍中彪免官居東海蘭陵郡子孫遂家焉
梁書曰高祖諱衍蘭陵中都里人漢相國何之後皇
考諱順之齊高帝族弟也參與佐命封臨湘侯 陳書
曰高祖諱霸先吳興長城人漢太丘長陳寔之後也世
居潁川寔元孫準晉太尉準生臣臣生達永嘉南遷歷
官太子洗馬出爲長城令悅其山水遂家焉 北魏書

曰黃帝有子二十五人或內列諸事或外分荒服昌意
少子受封北國有大鮮卑山因以爲號黃帝以土德王
北俗謂土爲拓謂后爲跋故以爲氏其裔始均逐女魃

於弱水北帝舜命爲田祖爰歷三代以及於秦不交南
夏是以載籍無聞焉積六十七世至成帝諱屯立統國
三十六大姓九十威振北方莫不率服歷十三傳至聖
武帝諱詰汾常率數萬騎田於山澤歛見輜輶自天而
下有美婦人曰我天女也受命相偶遂同宿且請還曰
明年周時後會於此言終而別及期帝至先所遊處果
復見天女以所生男授帝曰此君之子善視之子孫相
承當世爲帝王語訖而去即始祖神元皇帝也 後周
書曰太祖姓宇文氏諱泰其先出自炎帝炎帝爲黃帝
所滅子孫遁居朔野有葛烏菟者雄武多算略鮮卑慕

之奉以爲主其後裔孫曰普回因狩得玉璽三組有文
曰皇帝普回以爲天授其俗謂天曰宇因號宇文國並
以爲氏焉 隋書曰高祖姓楊氏諱堅漢太尉震八代
孫鉉仕燕爲北平太守鉉生元壽後魏代爲武鎮司馬
子孫因家焉元壽生太原太守惠嘏惠嘏生太原太守
烈烈生寧遠將軍禎禎生忠忠即皇考也皇考從周太
祖起義關西賜姓普六茹氏 唐書曰高祖姓李氏諱
淵其先出自顓頊生大業大業生女華女華生咎繇其
子孫繇歷虞夏代爲理官遂爲理氏殷末有理徵者以
直道獲罪於紂子利貞逃難於伊侯之墟食李實得全

又改爲李氏周時有李重耳字伯陽爲柱下史道家稱
老君秦將李信即其後也信曾孫廣爲漢將廣十六葉
孫暘爲涼武昭王暘生歆歆生重耳重耳生熙鎮武川
遂家焉熙生天錫天錫生虎佐周有功周閔帝受魏禪
虎已卒追封唐國公虎生昞昞生仁仁生高祖 唐鑑

曰高祖武德三年晉州人吉善行自言於羊角山見白
衣老父曰爲吾語唐天子吾爲老君吾而祖也詔於其
地立廟 冊府元龜曰晉高祖姓石氏本衛大夫碯之
後至漢奮自河內徙家長安與子慶等德位俱盛時號
萬石君漢衰關輔亂子孫西徙有居甘州者四代祖璟

仕唐爲朔州刺史三代祖郴祖昱任振武防禦使考紹
雍仕後唐官至洺州刺史 後周總論曰郭威自以爲
周室之裔號叔之後滅漢代立而建國曰周 通鑑曰
宋太祖諱匡胤姓趙氏涿郡人四世祖眇唐幽都令生
挺唐御史中丞挺生敬涿州刺史敬生弘殷周檢校司
空岳州防禦使弘殷娶杜氏生帝於洛陽夾馬營 遼
史贊曰遼之先出自炎帝世爲審吉國 金史曰金之
先出靺鞨氏靺鞨本號勿吉古肅慎地也 元史曰太
祖蒙古人其十世祖孛端叉兒母曰阿蘭夜寢帳中夢
白光自天窗入化爲金色神人來趨臥榻驚覺遂有娠

產一子即孛端又兒也狀貌奇異沈默寡言家人謂之癡獨阿蘭語人曰此兒非癡後世子孫必有大貴者
名山藏曰明太祖姓朱其先句容人皇祖始渡淮家泗
皇考徙鍾離皇妣陳生四子帝季也

帝系二

原 繇繇瓜瓞

本支百世

帝作邦作對

並詩經

增 施

於孫子

世有哲王

繩其祖武

貽厥孫謀以燕翼

子

並詩經

原 后稷勤周

后稷始基

纂堯之緒

出

自唐帝

漢

三世舉孝廉

魏

增 聯珠寶系

海浸昌

源

唐徐彥伯中宗哀冊文曰少典之子重元之孫珠聯寶系海浸昌源

累業

吳都賦曰累業百疊

後葉

羽獵賦曰又恐後葉復修前好

寶胄

奕世重光

鍾會檄蜀文

幼智一

原史記曰黃帝姓公孫氏生而神靈弱而能言代神農氏

增帝王世紀曰顓頊生十年而佐少昊十二年而冠二十二而登帝位

原又曰帝嚳生而神異自言其名曰爰漢書曰昔周成以孺子繼統而有管蔡四國

流言之變孝昭幼年即位亦有燕蓋上官逆謀之亂成王不疑周公孝昭委任霍光各因其時以成名大矣哉

增通鑑曰漢昭帝時上官桀父子與燕王旦通謀詐

令人爲旦上書誣霍光出都肄郎羽林道上稱蹕擅調

益幕府校尉專權自恣疑有非常俟光出沐日奏之桀欲從中下其事與大臣共執退光書奏帝不肯下明日光聞之止畫室中不入上問大將軍安在桀曰以燕王告其罪不敢入詔召大將軍光入免冠頓首謝上曰將軍冠朕知是書詐也將軍無罪光曰陛下何以知之上曰將軍調校尉以來未十日燕王何以知之是時帝年十四尚書左右皆驚後桀黨有譖光者上輒怒曰大將軍忠臣先帝所屬以輔朕身敢有毀者坐之自是無敢復言 漢明帝十歲通春秋光武奇之十二爲東海公天下墾田多不以實又戶口年紀互有增減詔下州郡

簡覆其事而刺史太守多不均平後諸部各遣使上奏
光武見陳留吏牘上有書視之云潁川弘農可問河南
南陽不可問因詰吏吏不肯服光武怒帝在幄後言曰
吏受郡敕當欲以墾田相方耳光武曰即如此何以言
河南南陽不可問對曰河南帝城多近臣南陽帝鄉多
近親田宅踰制不可爲準耳光武令虎賁將詰問吏果
如帝言

原蜀志曰先主舍東南角有桑樹童童如小

車蓋先主少時與諸宗兒戲曰吾當乘此羽葆蓋車

幼童傳曰太祖幼而智勇年十歲嘗浴於譙水有蛟來
逼自水奮擊蛟乃潛退於是畢浴而還弗之言也

增

晉書曰明帝幼而聰哲爲元帝所寵異年數歲嘗坐置膝前屬長安使來因問帝曰汝謂日與長安孰遠對曰長安近不聞人從日邊來居然可知也元帝異之明日宴羣僚又問之帝曰日近元帝失色曰何以異間者之言乎對曰舉目見日不見長安由是益奇之 唐書曰

明皇初封楚王年七歲因朔望朝見車騎嚴整金吾將軍武懿宗見而忌之遂擠排騎從帝訶之曰吾家朝堂於汝何事敢迫吾騎從則天聞而奇之 冊府元龜曰唐憲宗六七歲時爲皇孫德宗抱置膝上戲曰汝是何人乃在我懷中皇孫對曰此祇是第三天子德宗驚喜

遼史曰太祖初生即能匍匐 又曰太祖雖髻鬣言
及世務時伯文當國有疑輒咨焉 名山藏曰明宣宗
數歲試之事輒剴洩稱旨成祖愛之讀書一目數行盡
表皆舉

幼智二

原生而能言

黃帝

生而言名

帝

產而能書

隨巢子

幼

總百神

黃帝

幼而聰達

章帝

幼克大事

漢和帝

茂質紀

淑觀

岐嶷之姿

問南頓何在

語林

答長安近日

晉明

八歲能屬文

魏文帝

是書詐也

漢昭帝

名理不減

晉孝武帝

增幼而英悟

周世宗

有成人之量

晉書曰成帝少而聰敏有

帝王

幼智

成人
之量

十歲能詩

遼聖宗

潛晦一

原韓子曰歷山農者侵畔舜往耕耨年而耕者讓畔河濱漁者爭坻舜往漁耨年而漁者讓長東夷之陶者苦窳舜往陶耨年而器以牢

增

通鑑曰秦始皇嘗言東

南有天子氣因東遊以厭之高祖即自疑亡匿隱於芒碭山澤間

原

漢書曰孝宣皇帝諱詢字次卿武帝曾

孫戾太子孫也太子納史良娣生皇孫皇孫納王夫人生皇帝號曰皇曾孫生數月遭巫蠱事太子良娣皇孫王夫人皆遇害曾孫坐繫郡邸獄邴吉為廷尉監治巫

蠱隣曾孫之無辜使女徒乳養私給衣食至後望氣者
言長安獄有天子氣上遣使皆殺之內者令郭穰夜至
郡邸獄吉拒閉不得入曾孫賴吉得全因遭赦 東觀
漢記曰光武仁智明達多權略樂施愛人在家重慎畏
事勤於稼穡兄伯升好俠笑上事田作比之高祖兄仲
高才好學然亦喜游俠鬪雞走馬具知閭里奸邪吏治
得失時會朝請舍長安尚冠里

增通鑑曰煬帝以李

淵相表奇異又名應圖識忌之徵詣行在淵遇疾未謁
其甥王氏在後宮帝問之曰汝舅來何遲王氏以疾對
帝曰可得死否淵聞之懼因縱酒納賂以自晦 通鑑

曰唐高祖初發晉陽以書招李密密自恃兵強欲爲盟
主使祖君彥復書曰所望左提右挈勦力同心執子嬰
於咸陽殪商辛於牧野高祖得書笑曰吾方有事關中
若遽絕之是更生一敵也不如卑辭推獎以驕其志乃
使溫大雅復書曰天生烝民必有司牧當今爲牧非子
而誰老夫年逾知命願不及此欣戴大弟攀鱗附翼惟
願早膺圖籙以寧兆民宗盟之長屬藉見容復封於唐
斯榮足矣密得書喜曰唐公見推天下不足定矣 通
鑑曰唐太宗謂于志寧曰朕年十八猶在民間民之疾
苦情僞無不知之 通鑑曰唐憲宗生光王怡怡幼時

宮中皆以爲不慧太和以後益自韜匿及武宗疾篤諸
宦官密於禁中定策立怡及見百官哀戚滿容裁浚庶
務咸當於理人始知有隱德焉怡後更名悅
即唐宣宗名山藏
曰太祖幼孤無依託身皇覺寺爲僧居兩月歲荒僧散
太祖游食江淮金斗光息間至潁道病有二紫衣同寢
食病已辭去莫知所在夜陷胡麻中遇羣童言迎駕叱
之不見

潛晦二

原潛龍勿用陽在下也

周易

尺蠖之屈以求伸也

周易

以懿文德

周易

增內文明而外柔順以蒙大難文王以

之易

遵養時晦

詩

退藏於密

易

三分天下有其

二以服事殷

原

舜居深山與鹿豕遊

孟子

隱於芒碭

史記

尤樂杜鄠

雷雨不迷

舜

上有黑雲

告歸之

田

漢高

告歸鄉里

躬耕白水

光武

講學長安

習讀

書傳

秋冬弋獵

歸於頓丘

僦驢給費

為縣送

徒

為春陵訟租

為泗上亭長

漢高

為洛北簿尉

一年成聚

三年成都

增隱德

唐宣帝詳

多務韜

晦

通鑑周世宗在藩邸多務韜晦

淮右布衣

明太祖曰予本淮右布衣因天下亂為眾所推

殷憂

原帝王世紀曰夏桀無道臯諫者湯使人哭之桀囚湯

使於夏臺而後釋之諸侯由是咸叛桀附湯同日貢職者五百國三年而天下咸服 竹書紀年沈約注云王嘉季歷之功錫之圭瓚秬鬯九命爲伯旣而執諸塞庫季歷困而死因謂太丁殺季 又曰執季歷於塞庫羈

文王於玉門鬱悵之情辭以作歌其傳久矣 帝王世

紀曰文王雖在諸侯之位襲父爲西伯紂旣囚文王文王之長子曰伯邑考質於殷爲紂御紂烹以爲羹賜文王曰聖人當不食其子羹文王得而食之紂曰誰謂西伯聖者食其子羹尚不知也 琴操曰文王備修道德

百姓親附文王有二子周公武王皆聖是時崇侯虎與

文王列爲諸侯德不及文王常嫉妬之乃譖文王於紂
曰西伯昌聖人也長子發中子旦皆聖人也三聖合謀
君其慮之乃囚文王於羑里將欲殺之於是文王四臣
散宜生等周流海內經歷豐土得美女二人水中大貝
白馬朱鬣以獻於紂陳於中庭紂立出西伯文王在羑
里時演易八卦以六十四作鬱厄之辭困於石據於蒺
藜乃申憤以作歌曰殷道混混浸濁煩兮朱紫相合不
別分兮迷亂聲色信讒言兮炎炎之虐使我愆兮幽閉
牢竄由其言兮邁我四人憂勤勤兮 漢書曰宣帝始
立謁見高廟大將軍光參乘上嚴憚之若芒茨在背後

張安世代光參乘天子從容肆意甚安 晉中興書曰
惠帝幸臨漳中宗從駕是時中宗叔父東安王繇爲成
都王穎所害懼禍及謀出奔其夜月明禁衛甚嚴不能
得去有頃天暴風雨晦冥徼者四散中宗因得脫 晉
陽秋曰簡文帝雖登阼內不自安初熒惑入太微尋廢
海西公至是熒惑猶在太微帝惡之謂郗超曰命之修
短大所不計故無復往日事耶超云大司馬溫方內固
社稷外布經略非常之事臣以百口保之超假還東帝
謂之曰致意尊公家國之事遂至於此由吾不能以道
匡樹思患預防媿歎之深言何能喻又誦庾闡詩云士

痛朝危臣哀主辱泣下霑衣漣如相續

增通鑑曰唐

太宗曰武德六年以後高祖有廢立之心而未定我不
爲兄弟所容實有功高不賞之懼 又曰後唐廢帝千
春節置酒晉國長公主上壽畢辭歸晉陽唐主醉曰何
不且留遽歸欲與石郎反耶石敬瑭聞之益懼 又曰
宋太祖一日朝罷坐便殿不樂者久之左右請問其故
曰爾謂爲天子容易耶早間乘快誤浚一事故不樂耳
又曰元仁宗御嘉禧殿謂侍臣曰卿等以朕居帝位
爲安耶朕惟太祖創業艱難世祖混一區宇兢業守成
恒憂不能當天心繩祖武使萬方百姓樂得其所固非

卿等所知也 名山藏曰明太祖諭羣臣曰古之賢君常憂治世其臣亦憂治君然賢臣之憂治君者君常安賢君之憂治世者世常治今土宇日廣人民雖蕃久困未蘇予心未嘗忘憂卿同吾憂國福至矣不然禍敗隨之 又曰建文時成祖為燕王齊泰黃子澄等日夜謀防燕因以工部侍郎張昺為北平布政使謝貴為北平都指揮監燕燕王佯狂為澀舌稱病甚昺貴入問燕王病王重裘擁爐見之猶顫

殷憂三

原履重剛

蒙大難

果行育德

安不忘危

履虎

尾

俱易經

增涉春冰

凜乎若朽索之馭六馬

慄慄

危懼若將隕於深淵

沐惕惟厲

中夜以興

俱書經

明王三懼

韓詩外傳孔子曰明王有三懼一曰處尊位而恐不聞其過二曰得志而恐驕三曰聞天下之至道而恐不能行

原或多難以固邦國 或殷憂以啓聖

明 憂而不困

或憂而光

繫夏臺

囚羸里

文王

執於塞庫

王季

羈於玉門

文王俱詳殷憂一

丙吉乳養

漢宣

帝詳潛晦

張賀供給

智勇俱困

亡失家屬

漢高祖

持滿外向

銚期奮戟

稱漢使者

漢高祖

馳入韓信

辟

漢高祖

稱使者入傳舍

以冰飲水

對竈炙衣

光武

蕪萋豆粥

滹沱麥飯

光武

平城為匈奴所圍

漢高帝

河陽為津吏所止

晉中興書

丁公接兵

漢高帝

曹洪授

馬

魏武帝

乘馬得脫

典論

泣而升車

晉中興書

增芒茨在

背

漢宣帝詳

毛髮灑淅

通鑑

唐宣宗即位李德裕奉冊既罷上謂左右曰

適近我

者非太尉耶每顧我使我毛髮灑淅

乘驢車

宋太宗與遼戰帝大敗乘驢車走免

夜不

安枕

明太祖謂羣臣曰念天下之廣生民之多憂懸於心夜不安枕

重裘擁爐

明成祖詳

殷憂

淵鑑類函卷四十八

淵鑑類函卷四十九

帝王部十

登庸祥瑞

創業福祿

應運

登庸一

原帝王世紀曰少昊姬姓也降居江水邑於窮桑以登帝位都曲阜故或謂之窮桑即圖讖所謂白帝朱宣者也又曰顓頊有聖德父昌意雖黃帝之嫡以德劣降

居若水諸侯及顓頊生十年而佐少昊十二而冠二十

登帝位

呂氏春秋曰帝顓頊生自若水宥處空桑乃登帝位

又曰帝嚳姬姓也

有聖德十五而佐顓頊三十而登帝位都亳又曰帝

堯十五而佐帝摯受封於唐爲諸侯身長十尺嘗夢天

上之故年二十而登帝位 尚書舜典曰慎徽五典五

典克從納于百揆百揆時敘賓于四門四門穆穆納于

大麓烈風雷雨弗迷帝曰咨爾舜詢事考言乃言底可

績三載汝陟帝位 尸子曰舜一徙成邑再徙成都三

徙成國堯聞其賢徵之草茅之中與之語禮樂而不逆

與之語政至簡而行與之語道廣大而不窮於是妻之

以嬪媵之以娥九子事之而託天下焉 尚書大禹謨

曰受命于神宗率百官若帝之初 從舜初授帝政事奉行 周書

曰湯放桀而歸于亳三千諸侯大會湯取天子之璽置

之於天子之座左復而再拜從諸侯之位湯曰此天子

之位有道者可以處之矣夫天下非一家之有也有道者之有也故天下者惟有道者理之惟有道者宜處之湯以此三讓三千諸侯莫敢即位然後湯即天子之位史記曰高祖與諸侯兵共擊項羽項羽敗而走使騎將灌嬰追殺羽東城正月諸侯尊漢王爲皇帝又曰

孝文皇帝初立爲代王都中都高后崩呂產等欲爲亂以危劉氏大臣共誅之使人迎代王代王問左右郎中令張武張武等議願大王稱疾以無往觀其變中尉宋昌進曰羣臣議皆非也今高帝子獨淮南王與大王大王又長賢聖仁孝聞於天下故大臣因天下之心而欲

迎立大王大王勿疑也廼命宋昌參乘張武等六人乘傳詣長安馳入代邸代王西鄉讓者再遂即天子位

漢書曰霍光廢昌邑王賀奏遣宗正德至尚冠里舍洗沐賜御衣太僕以軫獵車奉迎曾孫就齋宗正府封爲陽武侯羣臣上璽綬即皇帝位 晉中興書曰愍帝爲

劉粲所沒中宗素服出次舉哀三日於是百僚稱上尊號帝固讓百僚又固請中宗慨然流涕曰吾本琅邪王諸賢見逼不已乃呼私奴命駕將返國羣臣不敢復逼乃求依魏晉故事爲晉王許之愍帝崩於平陽百僚更上尊號是日即皇帝位 沈約宋書曰孝武帝諱駿字

休龍小字道民文帝第三子也元兇弒逆舉義兵克定
京邑乃踐帝位

增

冊府元龜曰唐太宗文皇帝武德

元年封秦王九年立爲太子高祖手詔司空裴寂等曰
朕當加尊號爲太上皇有司擇日宜速聞奏太宗沖讓
不敢奉詔朝於西宮面奏曰堯舜雖有至德有禪授之
事然親攬庶政並經百年陛下以至聖之德撫有四海
始有十載臣望陛下遵堯舜之道以百姓爲心高祖曰
吾思此事已諫懷之已久故欲怡神以養生不欲矯情
以從物若乃飾仁義務智能勞神以施號令疲形以行
賞罰此矯情從物非吾心之所取也吾今方以道攝生

養性故脫屣於汝豈可嬰吾以負重哉太宗固讓弗許
遂即位於東宮顯德殿 又曰唐睿宗延和元年彗星
從西方經軒轅入太微至於大角數日乃滅睿宗以爲
革舊布新之象冊太子爲皇帝受冊悲涕左右莫不感
動又奉冊睿宗爲太上皇皇帝聽朝於武德殿上皇稱
朕有命稱誥皇帝稱予有命稱制五日一朝於上皇太
極殿

唐明皇

又曰唐肅宗明皇帝第三子開元二十六

年立爲皇太子天寶十五載安祿山犯長安明皇幸蜀
將發馬嵬百姓數百人遮道攀附明皇遲留久之乃命
皇太子殿後宣諭百姓百姓因請皇太子留高力士馳

告明皇明皇曰是天啓也乃命後軍及飛龍殿馬與東
宮內人等留太子因宣口敕謂將士曰太子仁孝可奉
宗廟汝等善輔導之太子既至靈武羣臣請遵馬嵬傳
言之命勸進以七月甲子即位 通鑑曰周恭帝元年
鎮定二州言遼北漢連兵入寇周主遣殿前都點檢趙
匡胤率禁兵禦之癸卯發汴京是夕次陳橋驛都指揮
使石守信等相與謀曰主上幼弱我輩出死力破敵誰
則知之不如先立點檢爲天子然後北征黎明軍士擐
甲執兵直逼寢所曰諸將無主願策太尉爲天子匡胤
驚起披衣未及對黃袍已加身矣衆即羅拜呼萬歲掖

之上馬擁逼還汴乃攬轡誓諸將曰汝等自貪富貴立
我爲天子能從我命則可不然不能爲若主也皆下馬
曰願受命匡胤曰太后主上我北面事者不得驚犯公
卿皆我比肩不得侵凌朝市府庫不得侵掠用命有重
賞不然當族誅皆應曰諾遂整隊而行入仁和門秋毫
無犯遂奉匡胤入宮召百官至晡時班定猶未有禪詔
翰林承旨陶穀出諸袖中遂用之匡胤就庭北面拜受
乃升殿即皇帝位國號宋 金史太祖本紀曰元年正
月壬申羣臣奉上尊號是日即皇帝位上曰遼以賓鐵
爲號取堅也賓鐵雖堅終亦變壞惟金不變不壞金之

色白完顏部色尚白於是國號大金改元收國 金太
宗本紀曰太祖崩羣臣固請太宗正帝位不許諸弟以
赭袍被體寘璽懷中遂即帝位 元史曰太祖建九旂
白旗即位於斡灘河之源 名山藏曰明太祖爲吳王
時元年十二月癸巳羣臣勸進吳王辭固請固却之明
日又請許之甲子祭告上帝皇祇於新宮曰天命真人
來自沙漠百有餘年今運亦終天下紛爭於豪傑惟帝
錫臣英賢遂戡定之今輿地周迴二萬里臣下白生民
無主必推臣帝臣不敢辭亦不敢不告是用以明年正
月四日設壇鍾山之陽惟帝祇之簡在如臣可君祭日

天澄氣和臣若不可當示異焉 又曰明成祖兵入金

川門諸王羣臣請即天子位三勸進乃謁孝陵歛歛感

慕攬轡回營諸王羣臣備法駕奉寶璽道迎遮擁登輦

軍卒耆老萬眾夾道拜頰歡呼稱萬歲遂即位

登庸二

增 撫運 乘時 唐舊禮制曰高祖撫運應期創業 御

天 立極 上見乘時注 詩經 嗣器 傳歸 宋太宗 御

曰王者繼統承祧所以嗣神器也 宋英宗即位制曰 烝民之生置君為之司牧神器之重有子所以傳歸

凝旒 執契 唐李嶠元日朝賀表曰凝旒而天啓其

執契靜 靈圖 寶業 文選彈王源文曰秉靈圖而非 謝朓齊

后哀冊文曰家臻

寶業身嗣昌暉

履至尊

登大寶

賈誼過秦論曰履至尊而制六

合易經聖人

之大寶曰位

陟帝位

總朕師

舜典曰汝陟帝位大禹謨曰汝惟

不怠總

朕師

承天心

正王位

前漢谷永傳曰明王即位正五事建大中承天心

易渙卦曰渙汗其大號渙王居

无咎象曰王居无咎正位也

一民心

承天曆

干寶

晉武革命論曰鴻荒世及一民心也

柳宗元塗山銘曰夏后氏順承天曆

御籙圖

傳芝

璽

唐徐彥伯中宗哀冊文曰籙圖已御芝璽仍傳

執大象

張寶圖

干寶晉武革命

論曰桓皇栗陸以前為而不有應而不求執

大象也唐元和類表曰張寶圖以光帝載

朝會諸

侯

尊為天子

柳宗元塗山銘曰自塗山而會諸侯大政立焉中庸曰尊為天子

有

王者符

踐天子位

然何武紀曰王者受命信有符乎不

孟

子曰踐天

終陟元后

俾作神主

虞書帝曰禹天之曆數在爾躬汝終

子位焉

終陟元后

俾作神主

曆數在爾躬汝終

帝王部

終陟元后

俾作神主

曆數在爾躬汝終

曆數在爾躬汝終

終陟元后

俾作神主

曆數在爾躬汝終

曆數在爾躬汝終

陟元后商書伊尹曰順天應人晉元帝紀劉膺期撫運易革卦曰

湯武革命順乎天而應乎人期撫千載之運正位凝易革卦曰

命握紀御符易鼎卦曰君子以正位凝命李百藥

雲龍風虎朝覲謳歌易乾卦曰雲從龍風從虎聖

觀者不之堯之子而之舜謳歌聰明嗣位曆數在

躬堯典曰咨爾舜天之曆數在爾躬惟皇得一承

帝嗣武王縉唐明法五始之要垂萬世之基王褒

春秋法五始之要註曰五始者一元二春三王四正月

世之推五運而陟崇高步三微而膺曆數李嶠上

冊副遺大投艱之託昭繼志述事之功天啓昌

期御蘿圖而出震 人瞻粹表負黼宸以當陽 御六

龍而乘乾君臨大寶 斂五福而作解慶洽寰區 薦

之天暴之民蓋非人力 襲其爵行其道實本心傳以上

俱出翰苑新書 星輝海潤方肇啓於青宮 地闢天開遂不

膺於赤紀宋張于湖賀英宗登極表 天佑而作之君啓堯舜之相

授 父有而傳之子續文武之重光 當龍飛之會幸

親逢六位之乘 伸虎拜之恭願永享萬年之壽以上俱出

翰苑新書

登庸三

原或躍在淵易 歷試諸艱 任之百官以觀其外舜

帝王部

敷于四海禹 推為盟主 都督陝東 君子經綸

天地革命 肇基王迹 王化之基 承百王之弊

大統未集 開建大業 自亂入靜 撥亂反正

功業見乎變 有事而後可大 威光大成 生民造

化 誕受多方 克鄆西土 克開厥後 受天之命

無立錐之地 無十戶之聚 不階尺土之資 不

階一民之柄 起於三河興於七十尚書中候 湯里七十

春秋孔 增端拱垂裳 昭哉嗣服詩下 嗣無疆大

曆服書大 飛龍在天易乾 聖人作而萬物覩易乾

主器易曰主器者 度宗文選曲引曰正位度宗詩曰

莫若長子

度就也宗尊也就其尊號也

度就也宗尊也就其尊號也

天時人事

東漢鄧禹曰歷觀往古聖人之興天時人事二科而已

奄宅區夏

唐元稹上尊號表

當位嗣統

賈至唐肅宗即位冊文曰命爾元子當位嗣統

嗣守

皇業

唐德宗即位冊文

負宸君臨

虞世南唐高祖哀冊文

登庸受籙

裴士淹唐肅宗哀冊文

安安天位

陸機宴宣猷堂詩註曰安保其位也

緝熙帝

圖

任昉王文憲序集

景屬宸居

顏延年曲水詩序註曰景明也屬繼也

創業一

原顏峻始學篇曰人皇氏兄弟九頭依山川土地之勢

裁度為九州各居其一方禮舍文嘉曰燧人氏始鑽

木取火炮生為熟令人無腹疾易曰神農氏作斲木

為耜揉木為耒耨耨之利以教天下蓋取諸益日中為

市致天下之貨交易而退各得其所蓋取諸噬嗑 周
書曰神農之時天雨粟神農耕而種之作陶冶斤斧爲
耜耜耨以墾草莽然後五穀興以助杲苾實 賈誼書

曰神農以爲走禽難以久養民乃求可食之物嘗百草
實察鹹苦之味教民食穀 **增** 冊府元龜曰黃帝始受

國於有熊氏軒轅之丘因以爲名軒轅之時神農氏世
衰諸侯相侵伐神農氏弗能征於是軒轅氏乃習用干
戈以征不享諸侯咸來賓從炎帝欲侵諸侯軒轅乃修
德振兵治五氣藝五種撫萬民慶四方教熊羆貔貅
虎以與炎帝戰於阪泉之野三戰然後得其志蚩尤作

亂不用帝命於是黃帝與戰於涿鹿之野遂擒殺蚩尤而諸侯咸尊軒轅爲天子

原論衡曰項羽與高祖俱

起威力輕重未有所定高祖誅羽難於斬鐵也武王伐紂易於摧木也然則漢力勝周多矣湯武伐桀紂一敵也高祖誅秦殺項羽兼勝二家力倍湯武五代之起皆有因緣力易爲也荀悅漢紀論曰高祖開建大業統

畢元功度量規矩不可尚矣天下初定庶事草創故韶夏之音天下未聞焉又曰漢高起於布衣奮劔而取

天下

增

通鑑趙氏曰光武初起於春陵以烏合數千

畎畝之夫而破尋邑百萬之衆梟莽賊之首平銅馬尤

來五校青犢赤着諸賊討隗純誅秦豐劉允彭寵張步
公孫述平一僭亂 袁崧後漢書曰世祖以渺渺之祚
起於白水之濱身屈更始之助位與羣豎並列於時懷
璽者十餘建旗者數百高才者居之南面疾足者爲之
王公茫茫九州瓜分鬻割泯泯蒼生塵消鼎沸我扇之
以仁風驅之以大威霜雪被而荆棘枯綱維振而逆鱗
掃羣材畢奏人鬼與能數年之間廓清四海雖曰中興
與夫創業者庸有異乎 歷年圖曰孫討逆策以童子
提一旅之衆揮馬箠以下江東耆儒宿將狼狽失據開
地千里真英才也 又曰唐高祖舉兵晉陽承亡隋之

弊席卷長驅奄有關中命將出師埽除亂略六年之中
海內咸服何成功之速哉蓋以太宗之爲子也太宗文
武之才高出前古驅策英雄網羅俊乂好用善謀樂聞
直諫拯斯民於水火之中措之於衽席之上使盜賊化
爲君子呻吟轉爲謳歌衣食有餘刑措不用突厥之渠
繫頸闕庭北海之濱悉爲州縣蓋三代以還未之有也

通鑑宋總論曰太祖斬艾蓬蒿剗削險阻以定天下

克澤潞克淮南克荆南克湖南平蜀滅漢服越取唐逆

腸叛膽消縮順嚮

李淇水策曰太祖皇帝洗削禍亂

逆腸叛膽消縮順向莫敢不臣臥

榻之側驅他人之鼾睡而漠然徒見山高而水清可謂

救生靈塗炭之苦革叔季兵戈之禍矣孰謂太祖而非
聰明神武不殺者哉 遼史太祖贊曰東征西討如折
枯拉朽東自海西至於流沙北絕大漠威信萬里歷年
二百豈一日之故哉 金史太祖贊曰初定東京即除
遼法遼主播越宋納歲幣以幽薊武朔等州與宋而置
南京於平州宋人終不能守卒之遼主見獲宋主被執
雖功成於天會間而規模運爲實自此始金有天下百
十有九年太祖算無遺策兵無留行底定大業傳之子
孫嗚呼雄哉 張四知元總論曰太祖深慮雄心遠邁
金夏之主其握乾符而起朔土躬神武以膺帝圖爲後

世開業不亦甚光極美哉 又曰世祖潤色鴻業大闡
嘉猷千紀萬綱條修縷飾故能光有四海坐致太平四
振天威鉅恢土宇奮數世積累之業造一統無外之勲
鞍馬二十年間定乾坤於百戰功宏鍊石收區宇於再
麾業壯斷鼇飲滄海而一息官兵到處悉皆平夷 明

顧迴瀾曰太祖起布衣飛淮甸提金戈鐵馬燹煜中原
自和州渡江取太平路天戈一指敷天同我后之思神
武初揚四海切來蘇之望初舉而平江漢再伐而舉全
吳三征而閩越澄清四戰而周齊席卷所至民服遂取
中原拾宋掇秦拔燕掣趙東極元菟西窮玉關南抵大

夏北控陰山靡不傾心而歸命悉皆輸款以稱藩恢恢
乎仁風翔洽於垓埏威靈攝肅乎鬼蠻蓋惟應天順人
是以人歸天與聖人出而四海一氛濁埽而宇宙清社
稷山河已在眼前矣

創業二

增斗極

天關

長楊賦曰高祖奉命順斗極運天關

一侯尉於東西

合車書於南北

王融曲水詩序

斬艾蓬蒿

剗削險阻

通鑑宋總

論言太祖

大含滄海

安納泰山

遼太祖詔

西盪河源

東

澹海濬

北動幽崖

南耀朱垠

東都賦

巨地稱皇

罄天作主

顏延年郊祀歌

月毳來賓

日際奉土

同上

列燧

千城

通驛萬里

顏延年曲水詩序

創業三

原舜禹本白衣

高祖興白衣

以布衣取天下

祭

蚩尤於沛庭

市弓弩作卑手刀

斷蛇奮旅

漢高

騎

牛兵起

光武

壯士願從

賢者義附

同聲響應

望

風景從

人鬼與能

四方歸之

見龍在田

易

迅

長鳴

龍飛迅風

高祖

龍變虎據

鳳翔南陽

光武

鴻

飛兗豫

龍飛白水

光武

鳳翔參墟

虞芮質厥成

文

王蹶厥生

徹彼桑土綢繆牖戶

並詩經

增革命

易經湯武

革命應乎天而順乎人

兆基

文選出師頌曰兆基開業人神攸贊

締構

魏都賦曰開國

帝王部

開蓋頁白卷四十一

創業

之日締
搆之初

洪業

吳都賦曰建至德以創洪業

帝籙

文選功臣頌曰飛名帝籙

寶命

天璣

文選宋后哀冊文曰用集寶命仰陟天璣

深根固蒂

魏都賦

流長難竭

張衡西京賦

招世貽統

顏延年三月三日詩序曰招世貽統固萬業而

為量註曰招廣也言廣世業以貽後緒也

天造草昧

撥亂反正

肇基

王迹

化家為國

隋末唐太宗勸高祖舉兵晉陽高祖曰今日破家亡軀由汝化家為國亦

由汝矣

宰制天下

王融謂蕭衍曰宰制天下必在此人

假翼荆楚翻飛

梁益

華陽國志贊昭烈曰先主名微眾鮮而能龍興鳳舉假翼荆楚翻飛梁益

電埽風驅

廓清天邑

唐高祖受禪告天文

弘濟蒼生其益多肇造區夏其

功大

唐太宗

混一區宇

唐書太宗

光宅中夏

唐太宗為秦王時言

於高祖曰陛下聖武龍興光宅中夏

斲雕剗方

任昉策秀才文李善註引漢書曰破觚而為圓

斲雕而為樸

宅中圖大

東京賦

山高水清

歐陽修豐樂亭記曰及宋受命

聖人出而四海一向之憑恃險阻剗削消磨百年之間漠然徒見山高而水清

山河在眼

明

祖詩等閒擁出扶桑日社稷山河在眼前

應運一

原帝系譜曰地皇氏一萬八千歲以火德王 尚書大

傳曰燧人為燧皇以火紀官 左傳邾子曰炎帝以火

統官故火師而火名 譙周古文考曰大庭氏姜姓以

火德王故號炎帝 邾子曰黃帝以雲紀官故為雲師

而雲名

春秋內事曰軒轅氏以土德王天下始有堂廡高棟深宇以避風雨焉

邾子曰

我高祖少昊摯之立也鳳鳥適至故紀於鳥為鳥師而

帝王部

卷一百一

應運

鳥名焉鳳鳥氏歷正也 又曰自顓頊以來不能紀遠

乃紀於近爲民師而命以民事則不能改也 **增**冊府

元龜曰伯禹夏后氏虞舜嬪以天下土生金故爲金德

故夏后氏尚黑戎事乘驪牲用元湯伐桀踐天子位乃

改正朔服色尚白金生水故爲水德戎事乘翰翰白馬也牲

用白周武王伐紂踐天子位水生木故爲木德故周人

尚赤戎事乘騶騶驪馬白腹牲用騂騂赤類 **原**尚書璇璣鈴

曰湯受金符帝籙白狼銜鉤入殷朝 **增**漢書曰漢承

堯運德祚已盛斷蛇著符旗幟尚赤協於火德自然之

應得天統矣 冊府元龜曰魏文帝受禪後給事中博

士蘇林董巴上表曰魏之氏族出自顓頊與舜同祖舜
以土德承堯之火今魏亦以土德承漢之火於行運合
於堯舜授受之次遂改正朔易服色殊徽號承土行黃
初元年十二月幸雒陽以夏數得天故用夏正而服色
尚黃又詔以漢火行也火忌水故雒去水而加雒魏於
行次爲土土水之壯也水得土乃流土得水而柔故除
雒加水變雒爲洛明帝景初元年山荏縣言黃龍見有
司奏以爲魏得地統宜以建丑之月爲正於是定曆改
年服色尚黃犧牲用白戎事乘黑首白馬建太赤之旂
朝會建太白之旂 又曰晉武帝以太始元年即位二

年羣公奏唐堯舜禹不以易祚改制至於湯武各推行
數宣尼荅爲邦之問則曰行夏之時輅冕之制通爲百
代之言蓋期於從政濟治不繫於行運也今大晉繼三
皇之蹤踵舜禹之迹應天從民受禪有魏宜一用前代
正朔服色皆如有虞遵唐故事奏可 又曰後魏孝文
太和十四年詔曰丘澤初制配尚宜定五德相襲分敘
有常然同異之論著於往漢未詳之說疑在今史羣臣
百辟可議其所應必令合衷以成萬代之式中書監高
閭議曰臣聞居尊據極允協明命者莫不以中原爲正
統神州爲帝宅苟位當名全化迹流洽則不專以世數

爲予奪善惡爲是非故堯舜禪揖一身異尚魏晉相代
紀運少殊桀紂至虐不廢承曆之序厲惠至昏不闕周
晉之祿計五德之論始自劉向一時之議三家致別故
張蒼以漢爲水德賈誼公孫臣以爲土德劉向以爲火
德以爲水德者正以當有水溢之應則不推運代相承
之數也以爲土德者則以亡秦繼曆相即爲次不推順
逆之異也以爲火德者懸證赤帝斬蛇之符弃秦之暴
越惡承善不以世次爲正也故繼周爲火德自茲厥後
乃以爲常魏承漢火生土故魏爲土德晉承魏土生金
故晉爲金德趙承晉金生水故趙爲水德燕承趙水生

木故燕爲木德秦承燕木生火故秦爲火德秦之未滅
皇魏未剋神州秦氏旣亡大魏稱制元朔故平文之廟
始稱太祖以明受命之證如周在岐之陽若繼晉則晉
已久若棄秦則中原有寄推此而言承秦之理事爲明
驗故以魏承秦當爲土德又五緯表驗黃星曜彩考氏
定實合德軒轅承土祖木事爲著矣祕書丞李彪等議
以爲尚書閣議繼近秦氏臣職掌國籍頗覽前書惜此
正次慨彼非緒輒仰推帝始遠尋百王魏雖建國君民
兆朕振古祖黃制朔縣迹有因成此帝業神元爲首案
神元晉武往來和好至於桓穆維京破亡二帝志摧聰

勒思存晉氏每助劉琨申威并冀是以晉室銜扶救之
仁越石申代王之請平文太祖抗衡苻石終平燕氏大
造中區是則司馬祚終於邾鄉而元氏受命於雲代蓋
自周之滅及漢正統幾六十年著符尚赤雖張賈殊議
暫疑而卒從火德以繼周氏排虐羸以比共工蔑暴項
而同吳廣近蠲謬僞遠即神正若此之明也寧使白蛇
徒斬雕雲空結哉且秦并天下革創法度漢仍其制少
所變異猶仰推五運竟踵隆姬而況劉石苻燕世業促
福綱紀弗立魏接其弊自有夷典豈可易漢之承木舍
晉而爲土耶夫皇統崇極承運至重必當推協天緒考

審王次不雜以僭竊參之強矯神元既晉武同世桓穆
與懷愍接時晉室之淪平文始治太廟號太祖抑亦有
由紹晉金德孰曰不可而欲次茲僞僭豈非惑乎十五
年侍中司空長樂王穆亮等言皇魏世王元朔下迄魏
晉趙秦二燕雖地據中華德祚微淺茲獲推序於理未
愜又國家積德修長道光萬載彪等職主東觀詳究圖
史所據之理其志難奪今欲從彪等所議宜承晉爲水
德詔曰越近承遠情所未安然考次推時頗亦難繼朝
賢所議豈朕能有違奪便可依爲水德祖甲辰臘 又
曰隋開皇元年詔以初受天命赤雀降祥五德相生赤

爲火色朝會之服旗幟犧牲各令尚赤戎服以黃七月
帝始服黃百僚畢賀 通鑑曰唐高宗即位推五運爲
土德色尚黃 天寶九載詔曰三王繼統質文旣不相
襲五德乘時服色遵於所尚至於旂常改制駢翰異宜
所以表國家之容合聲名之度事之大者安可因循而
已焉國家膺推紐之期纂黃中之曆憲章垂範運旣屬
於維新旗幟同色義必在於革故頃者俯納羣議式明
統緒故得天人致和風雨時若豈朕菲德克廣睿圖實
累聖鴻休允膺景福稽古之大旣有昭明文物所資理
宜詳正其諸衛應隊仗所用緋色幡等並改爲赤黃色

應運二

增天曆逐訟獄之歸

神鼎隨謳歌之去

周禪隋
冊文

革

命殊乎因襲

捐讓異於干戈

石闕
銘

萬物觀聖

千

載應期

易經乾卦文言曰聖人作而萬物觀
紀劉琨上書曰陛下應受命之期紹千載之運

晉元帝

旂常改制

駢翰異宜

唐天寶九載詔周尚赤牲用
駢殷尚白戎事乘翰翰白馬

也

三分肇慶黃星之應久彰

五十啓期真人之運

斯屬

唐太宗祭
魏武帝文

命旅致雲屯之應

登壇有降火之

祥

陸陟石
闕銘

循五德終始之傳

叶三統因革之義

冊

序

昭華之珍既徙

延喜之玉攸歸

王融曲
水詩序

應運三

原誕膺天命以撫方夏 顧謨明命以承神武 克享

天心受天明命 皇天眷命奄有四海 皇天眷祐誕

受厥命 昊天有成命二后受之 天立厥配受命既

固 受命于天 奉若天命 用集天命 撫綏四方

式商受命奄甸萬姓 相彼成康奄有四方 集大

命于厥躬 用端命于上帝 我有右命將天明威

既受命祉施于孫子 繼明代熙配天光宅 周雖舊

邦其命維新 受終于文祖 受命神宗 聖皇應曆

數 曆數承天序 時乘六龍以御天 乘變化而御

大器 命世而出 命世之才 知帝王自有真 天

子之位有道者受之 上天降休帝遷明德 降命成

湯 受天永命 有命自天 自天降命 天之所啓

有天之贊 天剖神符地命靈契 天命定爾亦孔

之固 簡畀殷命尹爾多方 達有神興有德 乃眷

西顧此惟與宅 此乃天授非人力也 諸侯同日貢

賦 湯 王假有家 天命不僭 大精布耀 帝出乎

震 繼天而王 繼天施四季應五行 乘木而王 木

水 天皇木德 地皇火德 伏羲木生 神農火紀

軒轅土德 顓頊水德 秦皇水德之始 湯武革

命順天應人 飛龍在天利見大人 大人虎變其文

炳也 位以飛龍文以武變 人謀鬼謀百姓與能

謳歌之聲 諸侯朝禹 抱樂器奔周 載圖書歸周

遷鼎雒邑 遷鼎均野 舜以太尉即位 即位汜

水陽 即位千秋亭 設壇受命 鳴玉設壇 龍旋

鳳時 **增**帝始服黃 隋文帝見 春皇 拾遺記曰春皇者庖犧之別號

以木德王 故曰春皇 色尚赤黃 唐天寶詔 仰協三靈 俯從億兆

陸陸石 關銘 曆數在躬 書經 天統 冊府元龜序曰庖犧之王正得天統 膺

期受命 唐高祖禪位太宗詔 誕命建家 王融曲水詩序 五德之論始

自劉向 後魏中書監高闕奏議

應運四

帝王部 應運

增策文唐賢良方正策問曰朕聞三微遞代哲后所以承天五運因循明王由之革命或金水而鱗次應火木以環周或寅子變正天人之統斯辨或驪駟改色昏旦之用有殊茲乃渙汗圖書昭彰曆數受位出震以迄於今莫不母子相承終始交際然而都君土德翻乃尚青天乙水行寧宜用白深明要旨其義何從若以秦氏霸基便有符於紫色則魏人鼎足豈復應於黃星緬鏡前修又以矛盾張蒼之議既頗反於公孫賈傅之談復遠乖於劉向子大夫學包羣玉文擅鏘金既聽南史之篇方佇東堂之問詳敷事實靡得浮辭對曰臣聞方圓既

闕帝主斯建四遊將六氣交馳五德與三微遞變自攝
提著紀出震登皇循木火而相承用驪馮而繼作雖復
武功文德揖讓干戈御旒宸以高居握圖籙而深視莫
不垂天人之統順寅子之正始終之際何莫由斯暨乎
運偶都君時云土德道鍾天乙數叶水行子勝母而尚
青母生金而尚白略言其美斯窮奧旨至若秦居閏位
紫實非正之符魏得中區黃標應星之紀未有矛盾允
愜時宜漢祖承天人多異議張蒼言水而黑時方興公
孫據土而黃龍復應逮二劉之父子推五運之相沿較
彼前談斯爲折衷

吳師道
對策

祥瑞一

原風角占曰福先見曰祥 字林曰禎祥也福也 禮

記曰麟鳳龜龍謂之四靈四靈以爲畜則獸不狘 又

曰聖王用民必順故無水旱昆蟲之災民無凶饑妖孽

之疾天不愛其道地不愛其寶人不愛其情是以天降

膏露地出醴泉山出器車山出銀甕丹甕之器及人象車也河出馬圖

鳳皇麒麟皆在郊藪龜龍在宮沼其餘鳥獸之胎卵皆

可俯而闕也先王能修禮以達義體信以達順此順之

實也 **禮**爾雅曰甘雨時降萬物以嘉謂之醴泉 黃

帝占云壽星色黃人主壽昌 京房易傳曰河水清天

下平

原禮斗威儀曰人君政訟平則祥鳳至

禮又

曰政太平則日五色

又曰君乘金而王則黃銀紫玉

見

又曰君乘木而王政太平則蔓竹紫脫爲之常生

春秋緯曰君應陽君臣和得道度則日含王字 春

秋感精符曰南至有雲迎日年豐之象

河圖龍文曰

鎮星光明八方歸德

原淮南子曰天覆以德地載以

樂樂也其時不失其序日月淑清而揚光

增援神契

曰黃雲抱日輔臣納忠

又曰德至人表則景星見

又曰德至深泉則醴泉湧

又曰天子孝則慶雲見

原白虎通曰天下太平符瑞所以來至者以爲王者承

天順理調和陰陽陰陽和萬物序休氣充塞故符瑞並
臻皆應德而至鍾律調四夷化越裳來繼嗣平即賓連
生於房戶賓連者木名也連累相承故生於房戶象繼
嗣也日曆得其分即蕤莢生於階間蕤莢者樹名也月
一日一莢生十五日畢至十六日一莢去故夾階而生
以明日月也賢不肖位不踰即平露生於庭平露者樹
名也官位得其人即生不得其人即死矣狐九尾何狐
死首丘不忘本也明安不忘危也必九尾者九配得其
所子孫繁息也于尾者明後當盛也景星者大星也月
或不見景星常見可以夜作者益於民人也甘露者美

露也降則物無不盛朱草者赤草也可以染絳別尊卑也醴泉者美泉也狀如醴酒可以養老嘉禾者大禾也成王之時有三苗貫桑而生同爲一穗大幾盈車長幾充箱民有得而上之者成王召周公而問之曰三苗爲一穗意天下其和爲一乎後果有越裳氏重譯而來矣

增又曰王者繼嗣平明則賓連生於戶闕達生於房

瑞應圖曰闕達一名連達

又曰王者使賢不肖位不相踰則平露

生庭狀如蓋一名平慮 又曰萋莆木名王者孝道至

則出庖廚其葉大如門扇不搖自扇 **原**孫氏瑞應圖

曰金牛瑞器也王者土地開闢則金牛至 又曰玉馬

者瑞氣也王者清明篤賢則至 又曰玉龜者師曠時

出河東之涯爲聖圖出河負籙讖書 **增**又曰嘉禾五

穀之長王者德茂則生 又曰王者恩加耆老則白兔

見 山海經曰丹穴之山有鳥名曰鳳皇自歌自舞見

則天下大安寧 董仲舒曰太平之世雪不封條 漢

終軍白麟奇木對曰野獸并角明同本也衆枝內附示

無外也 論衡曰儒者論太平瑞應皆言氣物卓異朱

草醴泉祥風甘露景星嘉禾萑蒲蓂莢屈軼之屬又言

山出車澤出馬男女異路市無二價耕者讓畔班白不

提挈關梁不閉道不擄掠風不鳴條雨不破塊五日一

風十日一雨其盛茂者致黃龍麒麟鳳皇夫儒者之言
溢於過實瑞應之物或無失言鳳皇麒麟之屬大瑞較
然不得增飾其小瑞徵應恐多不是夫風氣雨露本當
和適其言風祥露甘風不鳴條雨不破塊何也言五日
一風十日一雨褒之甚也 漢書注張揖曰解廌似鹿

而一角人君賞罰得中則生於朝廷觸不直者 宋志

曰王者德至太和氣盛則甘露降耆老見敬則柏受甘
露尊賢愛老則竹受甘露 又曰白玉甕不汲而滿王

者清廉則出 又曰明月珠王者不盡介鱗之物則出

又曰王者德澤純洽八方合爲一則木連理生 又

曰華乎其枝平正王者有德則生德剛則仰德弱則低

又曰芝草王者仁慈則生 又曰福草者宗廟肅則

生宗廟之中

注福草即芝草也

又曰跣蹄者后土之獸自能

言語王者仁孝則來

又曰天鹿者純靈之獸也五色

光耀洞明王者道備則至角端者日行萬八千里又曉

四夷之語聖明在位明達方外幽遠之事則奉書而至

唐志曰禮部掌祥瑞凡景星慶雲爲大瑞其名物六

十有四白狼赤兔爲上瑞其名物三十有八蒼烏赤雁

爲中瑞其名物三十有二嘉禾芝草木連理爲下瑞其

名物十四大瑞則百官詣闕奉賀餘瑞歲終員外郎以

聞有司告廟

祥瑞二

增拾遺記曰炎帝教民耒耜百穀滋阜神芝發其色靈苗擢佳穎朱草蔓於階卿雲蕩於巖

原呂氏春秋曰

凡帝王將興天先見祥昔黃帝祭天先見大螻蛄黃帝曰土氣勝故其色上黃其事則土及禹之時天先見草木秋冬不殺禹曰木氣勝故其色上青其事則木成湯之時天先見金刃生八水湯曰金氣勝故其色上白其事則金也文王時天先見火赤烏銜丹書集於周社上文王曰火氣勝故其色上赤其事則火

韓詩外傳曰

黃帝即位鳳乃止於帝東園集帝梧桐樹食帝竹實沒身不去

增

左傳郟子曰黃帝以雲紀註曰有雲瑞以

雲紀事服虔云黃帝受命得景雲之瑞 宋志曰黃帝

有景星之瑞有赤方氣與青方氣相連赤方中有兩星

青方中有一星凡三星皆黃色以天清明時見於攝提

名曰景星 帝王世紀曰黃帝時有草生於庭若佞人

入朝則指之名曰屈軼 **原**左傳曰少昊氏立鳳鳥適

至孔安國注尚書曰雄曰鳳雌曰皇靈鳥也 **增**尸子

曰少昊邑於窮桑日五色互照 **原**帝王世紀曰堯治

天下大和景星曜於天甘露降於地朱草生於郊鳳皇

止於庭嘉禾孽於畝醴泉湧於山樵饒民來貢珍羽廚
中自生肉脯其薄如翼形搖鼓自生風使食物寒而不
臭名曰翼脯又有草夾階而生隨月生死王者以是占
日月之數惟盛德之君應和而生名之蓂莢 又曰堯

率諸侯羣臣沈璧於洛河受圖書今尚書中候握河紀
之篇是也 尚書中候曰帝堯即政七十載甘露潤澤

醴泉出山 又曰朕率羣臣沈璧於洛河良俟於下稷

赤光起元龜負書出赤文成字 帝王世紀曰舜時景

星曜於房羣瑞畢致地出乘黃舜於是德被天下薦於

天使禹攝政 **增**尚書大傳曰舜時俊乂百工相和而

歌卿雲帝倡之曰卿雲爛兮糺縵縵兮日月光華旦復
旦兮八伯咸稽首曰明明上天爛然星陳日月光華弘
於一人帝乃載歌曰日月有常星辰有行四時從經百
姓允臧 晉中興休祥說曰嘉禾者仁草也夏異本同
穎殷同本異秀周三穎同秀 **原**禮含文嘉曰禹卑宮
室垂意於溝洫百穀用成神龍至靈龜服玉女敬養天
賜 呂氏春秋曰禹南濟乎江黃龍負舟 **增**開山圖

曰禹開宛委山得赤珪如日碧珪如月長一尺二寸

金陵驗異錄曰五星聚有三周將代殷聚於房齊威將
霸聚於箕漢高入關聚於東井 **原**墨子曰赤烏銜珪

降周之岐社

詳符命

增鹽鐵論曰周公太平之時雨不

破塊旬而一雨雨必以夜 金陵驗異錄曰四星聚者

有四漢元始四年四星聚柳張光武復興於洛晉永嘉

六年四星聚牛女元帝復興於揚土漢初平元年四星

又聚箕尾魏武定充豫建安二十二年四星各一聚劉

裕有天下 晉元帝紀四星歲鎮熒惑太白也

原史記曰高祖爲泗上

亭長常從王媪武負貫酒飲醉臥武負王媪見其上常

有龍怪之高祖每留飲酒饑數倍 **增**漢志曰文帝時

日中有王字 **原**漢書曰孝武皇帝行幸東海獲赤雁

作朱雁之歌 **又**曰武帝行幸雍祠五時獲白麟作白

麟之歌 又曰武帝元封二年詔曰甘泉之宮中產芝
九莖連葉作芝房之歌 又曰元鼎四年得寶鼎后土
祠旁秋馬生渥洼水中作寶鼎天馬之歌 又曰宣帝
時東浮大河神魚舞於河 **舊**漢郊祀志曰宣帝十三

年幸河東祠后土有神雀集改元爲神爵明年正月鳳
皇集祓禱於所集處得玉寶起步壽宮後間歲鳳皇神
爵甘露降集京師赦天下其冬鳳皇集上林乃作鳳皇
殿以荅嘉瑞明年改元五鳳後又改元甘露有黃龍見
新豐又改元黃龍 **原**東觀漢記曰光武中元元年上

幸長安祠長陵還洛陽宮是時醴泉出於京師郡國飲

醴泉者痼疾皆愈獨眇蹇者不瘥 又曰有赤草生於水涯郡國上甘露降羣臣上言地祇靈應而朱草萌宜命太史撰具郡國所上上不聽是以史官鮮記焉 **增**

天中記曰光武生時鳳皇來集濟陽故宮皆畫鳳皇之瑞 **原** 又曰章帝元和二年鳳皇三十九麒麟五十一

白虎二十九黃龍四青龍黃鵠鸞鳥神馬神雀九尾狐三足鳥赤鳥白兔白鹿白燕白鵲甘露嘉瓜秬秠明珠芝英華平朱草木連理實日月不絕載於史官不可勝紀 魏略曰魏文帝神龜出於靈芝池 **增** 魏志曰黃

初元年柴於繁陽有黃鳥銜丹書集尚書臺於是改元

原吳錄曰赤烏十二年寶鼎見於臨平湖中

增晉

武紀曰泰始三年氏池縣大柳谷有元石白畫成文實

大晉之休祥詔以製幣告於太廟藏之天府 **原**王隱

晉書曰懷帝永嘉元年有玉龜出灞水 **晉**中興書曰

昔秦始皇東遊望氣者云五百年後東南金陵之地有

天子氣於是始皇改爲秣陵塹北山絕其勢今建康即

秣陵西北界所塹即建康南淮中也按始皇東遊之歲

至孫權僭號四百三十七年考之年數旣不合校之基

宇又非倫豈應帝王之符而見兆於上代乎有晉金行

奄君四海金陵之祥其在斯矣且秦政東遊至今五百

二十六年所謂五百年後當有王者也 **增**唐高祖冊

文曰翠鳳棲梧丹魚在藻水浮元貝階榮朱草 唐太

宗冊文曰文龜浮沼應龍在淀滴露飛甘卿雲呈綯

唐鑑曰太宗貞觀二年上曰比見羣臣屢上表賀祥瑞

夫家給人足而無瑞不害爲堯舜百姓愁怨而多瑞不

害爲桀紂後魏之世吏焚連理煮白雉而食之豈足爲

至治乎嘗有白鵲構巢於寢殿之上合歡如腰鼓左右

稱賀上曰我嘗笑隋煬帝好祥瑞瑞在得賢此何足賀

命毀其巢縱鵲於野外 唐會要曰貞觀十二年滁州

言野蠶成繭徧於山阜至十三年野蠶又食槲葉成繭

大如柰色綠凡收六千五百餘石十四年正月元日陝州界內二百餘里河水變清四月乃止十六年有雄雉飛集東宮明德殿前上問褚遂良是何祥也對曰昔秦文公時有童子化爲雉雌者鳴於陳寶雄者鳴於南陽童子言得雌者霸文公遂爲寶雞祠漢光武得雄遂起南陽而有四海陛下舊封秦王故雄雉見於秦地所以彰表明德也十七年太子寢室中產素芝十四莖並爲龍鳳形十八年山南獻木連理交錯玲瓏有同羅木一丈之幹並枝者二十餘所二十年汾州言青龍白龍見白龍吐物初在空中有光如火至地陷入二尺掘之得

元金也二十一年玉華宮李連理隔澗合枝 張說述

聖頌曰帝昔居是邦也紫雲在天神光照室白鹿來擾

黃龍上升隴出仙洞而神魚躍山開禪穴而靈鐘韻謠

言合讖巨跡引途嘉李旁連神著自起

景龍二年明皇兼潞州別駕前

後符瑞凡一十九事 唐實錄曰開元二十一年左丞相蕭嵩等

奏曰所司奏今年祥瑞祥風起日抱戴嘉禾秀芝草生

甘露降醴泉涌木連理瓜同蒂竹再生李成實馴鳩元

鶴慈烏鵲鷓寶鼎魚銘錢刀軌字等二十有一事臣聞

惟德感神惟祥作聖祥風昭乎號令抱戴表以納忠嘉

禾主於同文芝草明於敬老甘露灑神靈之液醴泉發

德澤之滋草木秀其地靈羽毛呈其天瑞其餘山川異
氣器用殊姿不可勝紀請宣付史館從之 唐大曆十

二年成都人郭遠獲瑞木有文曰天下太平四字獻之
宰臣賀曰至德之化先賁草木太平之時遂形文字望

藏祕閣付史館

玉海曰宋太平興國九年十月

即雍熙元年

年十一月改元嵐州獻牝獸一角如鹿無班角端有肉性馴善

人不能辨示羣臣參驗以聞徐鉉滕中正王祐等引國
史以爲祥麟宰相宋琪等表賀上曰珍禽奇獸無濟於
事非朕所尚方內大寧風俗淳厚此爲上瑞近年禽獸
之異者所獻甚多止令畜於園囿遂生生之性不欲宣

揚於外琪等奏曰禽獸草木之異皆帝王德化所感而
生前古無不徧錄今陛下謙而不有中外無由得知使
一代簡書有所缺漏欲望具錄瑞物名數圖寫宣付史
館從之乙未內出瑞物三十六種白鹿六白兔十一黑
兔一紫兔一白麀四白雉一白鵲二白鳩一紫鵲一白
鶉一白鸛鴒一蒼鸛鴒白山鵲五綠山鵲一紅山鵲一
白雀四白鼠二白戴勝三蒼鳥一白山鴉一赤鳥一白
鷹五白鷺鷥鷹二白鵲一赤鵲一白鵲一白鸚鵡一白
銅鬣一青花山鵲一琪等拜表稱謝 玉海曰宋端拱
元年廣州言清遠縣有合歡木高百餘尺今年三月十

日有鳳高六尺栖集其上衆禽從之木下生芝草三莖

又曰祥符元年封泰山十月壬辰天文院言紫雲如

蓋黃雲如龍鳳青雲如竹木名梢雲

瑞應圖曰人君德至則出若木梢然

戊戌五色雲環日己酉紫雲如蓋起泰山頂俄變黃色

穆清殿御座後有白雲如幡幢龍鳳之狀召宰相登亭

觀俄頃成五色復有黃雲如虹橋葩蓋詔名亭曰瑞雲

又曰祥符元年天書至自泰山宰相王旦言真牒降

於神房醴泉涌於陽址芝葩競秀雲旗交輝 又曰祥

符元年直史館張知白請以泰山諸瑞命良工繪之一

本藏祕閣傳於不朽一本以備玉清昭應宮圖辟從之

五年丁謂等又上汾陽祥瑞圖百四十八軸與東封所
錄並繪於玉清昭應宮東西廡 又曰祥符二年昭應
宮瑞木斷之有文如點漆體若梵書 又曰祥符四年
九月日有輝珥承氣五色雲如飛鳳輔日 又曰祥符
七年三月漳州龍溪得珠圍闊三寸七分中有小珠七
顆如七曜次如七曜者不可勝數守臣王冕表進曰熒
煌外散於月華皎潔内含於星彩遐稽信史迴異照乘
之光洞究祥經弗類媚川之色 韓琦家傳曰天聖五
年初臨軒試進士公名在第二太史奏日下五色雲見
左右從官賀殿上 玉海曰宋皇祐三年眉州彭山縣

上瑞麥圖凡一莖五穗者數十本上曰朕比禁四方無
獻瑞物今得西川麥秀圖可謂真瑞矣賜田夫束帛以
勸之六月無爲獻芝草上曰朕以豐年爲瑞賢人爲寶
至於草木魚蟲之異焉足尚哉自今毋得以聞 宋會
要曰乾道九年十一月親郊宰臣奏曰郊祀禮成兼以
瑞雪應時未明而霽以至青城齋宿園丘藏事天氣澄
爽此皆聖德昭著高穹降格上曰君臣之間正當修飭
以荅天貺 遼史曰神冊元年上太祖尊號闕地爲壇
得金鈴因名其地曰金鈴岡 又曰神冊六年圍涿州
有白兔緣壘而上是日破其郭 金史曰太祖收國元

年將與遼戰有火光正圓自空而墜上曰此祥徵殆天助也酌白水而拜 金史五行志曰世宗大定十三年策試進士于憫忠寺夜半忽聞音樂聲起東塔上西達於宮考官等以爲文運始開得賢之兆 又曰章帝泰和二年鳳皇見於磁州武安縣鼓山石聖臺以其事告宗廟詔天下 通鑑曰元成宗元貞元年蘭州河清三日上下三百餘里 名山藏曰明太祖初年甘露降鍾山羣臣稱賀請告宗廟頒示史館上曰朕慮忘戒而生驕禎祥化爲妖孽告宗廟頒示史館非所以示天下也 又曰明永樂二年獻騶虞百僚稱賀上謂侍臣曰古之

明主皆遇祥自警警怠之分安危之繫也朕敢不敬

又曰永樂三年河清於蒲津 又曰永樂三年關陝

獻嘉禾羣臣應制撰詩初上爲燕王時嘉禾生北平以
獻太祖太祖御製詩賜上至是募勒拓本賜諸王近臣
又曰永樂十五年太液池水冰結爲樓閣龍鳳花卉
象賜羣臣臨觀 又曰孝宗冊立爲太子時詔至南京
瑞雲見孝陵如車蓋

祥瑞三

原火鳥

神馬

史記武王渡河中流白魚躍入於王舟
鱗介兵象白者殷家色白明殷當授於

周又有火復於王屋流爲鳥 式云麟鳳鸞龍騶
虞白澤神馬爲大瑞隨即奏之應奏不奏杖八十

浪

井醴泉典略曰浪井不鑿而成孫氏瑞圖曰浪井不鑿而成者清淨則水流有仙人至式云神

鼎丹甌醴泉浪井為大瑞金芝漢宣帝時嘉穀元稷降于郡國金芝九莖產于函德

殿銅池中金芝色如金銅池承雷也元珠式云柜黍嘉禾芝草華木並為下瑞紫玉

式云元珠明珠玉英曰白玉赤威鳳神雀神珍

帝祉詩神珍降祉書式揚帝祉三秀五雲靈物瑞圖

呈祥效靈休徵嘉瑞禎祥福應增連珠

合璧後漢天文志曰三皇遵化五星如連珠日月如合璧和氣天休唐權

書經日和氣洽則祥應至白麟赤雁俱見前應德

蒙福明帝紀祥瑞之降以應有德五鳳三年詔

非煙助月史記天官書若煙非煙若雲非雲蕭索輪

生於晦朔 助月為明 花葩 莫莢 崔豹古今注曰黃帝與蚩尤戰于涿鹿常有五色雲金枝

玉葉止于帝上有花葩之象因作華 木精 竹實 羊公

蓋帝王世紀曰堯階有莫莢草 舍仁 覽德 雅廣

注曰麟仁獸木之精也 晉毛詩疏 舍仁 覽德 雅廣

曰鳳皇非梧相不棲非竹實不食 賈誼弔屈 一角 五

原賦曰鳳皇翔于千仞兮覽德輝而下之 章 春秋感精符曰麟一角明海內共一王也 五彩

九苞 京房易傳曰麟有五彩 元符 黃瑞 文選典引曰元符靈

契黃瑞湧出注曰 原瑞命 靈符 何晏瑞頌 戩穀 極

休何晏 增華雪 瑞雨 南史曰宋大明五年正月華雪降羣臣作詩謝莊有璇鞋

瓊藻之句 南史曰梁大同中嘗驟雨 寶鼎 金車

漢武紀元鼎四年六月得寶鼎后土 原惟德動 非

天私 禾同穎 木連理 書經序曰唐叔得禾異

步中規 首戴德 廣雅曰麟者行步中規折旋中矩

頭荷義 順之實 和之極 禮運曰麟鳳在郊數故曰

足履禮 曰德配天地明並日月 一角獸 三足鳥 郊祀志曰

則麟鳳至此和之極也 雍獲一角獸蓋麟云 抱朴 啓靈篇 披瑞圖 東都賦

子曰舜至孝三足鳥集於庭 甘露殿 瑞雲亭 魏明帝詔曰甘露屢降於

抱戴 月重輪 唐潘炎日抱戴賦曰景龍元年帝臨上

年八月十四 山呼萬歲 洛出九疇 漢書曰武帝封

夜月重輪 歲者三 孔安國曰河圖 原天降茂祉 神表靈貺

皇道無為 帝德有象 佳穀旅生 野蠶成繭 武光

帝王部 祥瑞

增

時

增青龍進駕

飛黃伏皂

淮南子曰黃帝時青龍進駕飛黃伏皂高誘曰

飛黃如狐背上角

萬年玉冊

九莖金芝

晉元帝紀有神璽出於江寧其文曰

長壽萬年

漢宣帝神爵元年詔

神光顯著

符瑞

並臻

漢宣帝紀神爵四年修五帝后土之祠齋戒之日神光顯著白虎通曰陰陽和萬物序休氣充塞

符瑞並臻皆應德而至

七曜順軌

三辰昭華

晉天文志曰三皇邁德七曜順

軌下王珪嘉祐明堂赦文

金枝玉葉

天酒雲牙

上詳見前花葩注瑞應

圖曰甘露一名天酒宋詩

采氣成龍

卿雲隨馬

史記

朝朝薦天酒寧讓服雲牙

曰范增說項羽曰沛公志不在小吾望其氣皆成龍虎五采此天子氣也唐天寶十三載封泰山有卿雲隨

馬

音中律呂

食惟琅玕

劉向說苑曰麒麟音中律呂李白詩飢鳳不啄粟

所食惟

麟遊郊藪

鳳鳴朝陽

禮記曰聖王用民必順故麒麟在郊藪

詩經曰鳳皇鳴矣于彼高岡梧桐生矣于彼朝陽

連理映阜

鳴鳳棲柯

平慮植砌

朱草叢庭

搖風翠蕙

浴露朱英

俱詳祥瑞

一 萬靈禋社

三辰合慶

慶霄輪囷

德水清徹

天瑞磊砢

地符氛氲

天無蘊寶

地有呈祥

龜負綈檢

麟銜斗樞

以上俱出玉海

滴露飛甘

慶雲呈

絢

唐太宗冊文

河色呈符

山聲告慶

天剖神符

地

合靈契

揚雄劇秦美新文

黑章擾囷

赤字浮河

山祇吐

祕

河靈孕寶

出玉海

丹甌呈豐

器車表德

詳祥瑞一

煙雲紛郁

日月光華

青雲浮雒

榮光塞河

尚書中候

曰成王觀于洛沈璧禮畢榮光並出塞河青雲浮洛

禎凝藪澤

慶溢風煙

唐長

帝王部

祥瑞

祥瑞

祥瑞

孫無忌賀

書載歸禾

詩詠鳴鳳

書序曰唐叔得禾異畝同穎獻于天

子王命唐叔歸周公于東作歸禾詩經卷阿曰鳳皇鳴矣于彼高岡

雲潤星輝

風揚

月至

俱班固典引

青雲干呂

東風入律

十洲記曰漢武帝天漢三年月

氏國獻神香使者云國有常占東風入律十旬不休青雲干呂連月不散意中國有好道之君

四神

踐雪

五老飛星

金匱曰武王伐紂都洛邑未成大雪深丈餘甲子旦五車兩騎止王門之

外欲謁武王尚父曰五車兩騎是四海之神與河雋雨師耳四神曰天伐殷立周謹來受命五老堯時事詳

符命

黃銀掞彩

紫玉摘英

封禪書殷得金德銀自禮斗威儀曰君

乘金而王則黃銀紫玉現

澤馬飛鑣

山輿結轍

論衡曰太平瑞應山出車澤出

馬二聯俱出王勃九成宮頌

素雉朱鳥

元拒黃蓂

出班固典引

疊

貺駢祥

窮靈極祉

出玉海

丹羽儀韶

翠黃承轡

唐太

宗頌

原彰有德之象

表無疆之休

增黃雲履鼎上

白雲起封中

漢郊祀志曰元鼎四年迎寶鼎至中山有黃雲降焉又曰元鼎六年封太山

有白雲出封中

天其申命用休

福皆不召而至

上出書經下出董子

星為元氣之英

雪兆豐年之瑞

三星曆記曰景星者元氣之英水之

精也盈尺則呈瑞於豐年謝惠連雪賦曰

五百里賢人聚

一千年王

者生

異苑曰陳寔與諸子姪造荀淑父子于時德星聚太史奏曰五百里內有賢人聚春秋感應圖曰

黃河千年一清丹丘千年一焚則王者當出

納僬僥之珍羽

受王母之

白環

帝王世紀曰堯時僬僥民來貢珍羽文選景福殿賦注曰舜時西王母獻白環及珮

房寶鼎升于樂府

神雀甘露標為年紀

兩都賦序赤文

綠字候日舒華

龍檢芝泥浮河綯采

赤文綠字出尚書中候堯時事

帝王部

祥瑞

祥瑞

詳祥瑞二

河圖曰舜即位黃龍五采負圖玉檢金繩共為泥黃玉為璽

西鷄南雉之畫

日至月書

連珠湧醴之徵雲霏霧集

俱長孫無忌賀河清表

繪在禁嚴契龍圖之瑞物

播之雅頌參乾德之樂章

上天之載無聲所助者順

諸福之物畢至永孚于

休章騰郡國闔數千百所之祥

喜動公卿上於萬

斯年之頌

頡莖素毳并柯共穗之瑞每不勝書象

輿丹甑昭華延喜之珍不求自至

以上俱玉海

祥瑞四

增

天符

四子講德論曰天符既章人瑞又明

地符

王元長曲水詩序曰天瑞降地符升

景風

文選注曰景風即祥風也

効珍

東都賦寶鼎詩曰岳修貢兮川効珍

祕寶

班固

典引曰御東序之
祕寶注曰河圖也

十瑞

述異記曰堯時有十瑞

曜文

晉武華林詩曰

天垂其象
地曜其文

青光

唐實錄曰開元十九年與慶宮親耕三百餘步既而有青光紫氣覆地

器車

禮記詳符瑞一

瑞石

地理志曰唐高祖時于北都獲瑞石有文曰李淵萬吉築受瑞

壇祀以少牢五行志曰貞觀十七年又于涼州得瑞石

玉甕

宋志見祥瑞一

銀甕

孫氏

瑞應圖曰王者宴不及醉刑罰中則銀甕出焉

金船

孫氏瑞應圖曰王者德盛則金人下乘金船游

王後

金勝

宋志曰國平盜賊四方賓服則金勝出

金芝

漢宣帝紀曰元康四年金

芝九莖產于滯德殿銅池中

玉芝

唐志曰天寶七載三月大同殿柱產玉芝

賓連

木名

闊達

木名

平露

木名

蔓竹

紫脫

華平

木名

上俱詳祥

瑞

蓮旗

玉海曰宋紹興二十五年十月以南安雙蓮華繪于旗以表瑞

瑞竹

玉海曰宋

皇祐三年後苑生瑞竹一本
雨葉羣臣多為賦頌以獻

跌蹄

后土之獸詳祥瑞一

騶虞

詩經注曰騶虞義獸也

有至聖之德則應之

鶯鶯國語曰周

鶯鳴于岐山

神爵

漢書曰元康四年神爵五采以

注鶯鳳列名

黃鵠漢昭帝紀曰元始元年黃

白虎

文選四子講德

白虎偃武修

魚銘

唐開元二十一年衢州獲魚

日

文之應也

重輪宋元符二年日重

五色露

洞冥記曰東方朔遊

吉樂之事則滿空雲氣

日衣青光

春秋元命苞曰伐

著于草木皆成五色露

光 五雲冠日

日宣重光

倪寬傳

元年登封泰山倪寬上壽曰癸亥宗祀

填星如瓜

祀志曰元封元年秋填星出如瓜有司

神光三燭

漢

紀曰元封四年詔曰朕躬祭后土

雲成宮闕

祭祀志

武封泰山雲氣成宮闕百官咸見之

協風應律陸雲宴會詩

炤景飲醴江

上建平王書景景星也醴醴泉也

珠躔麗極唐開元二十四年八月老人星見賀表曰玉筦

凝商珠躔麗極

丹冀候魄 河光吐榮俱出玉海

玉版祕記玉

曰唐天寶八載方士索渾上言見太白老人告玉版祕記事因是羣臣上帝號

合符釜山史

黃帝紀索隱註曰東方朔云東海大明之墟有釜山出瑞雲應王者符命如堯有赤雲之祥黃帝有黃雲之瑞

故曰合符應于釜山

白馬朱鬣禮緯曰白馬朱鬣瑞于文王

麟趾裏蹏武

帝紀曰太始二年三月詔有司議曰泰山見黃金宜改故名今改金曰麟趾裏蹏以協瑞焉注曰金有常形欲

表祥瑞改鑄為麟趾馬蹏之形

白麟奇木漢終軍傳曰武帝幸雍祠五時獲白麟一角而五蹄

又得奇木一枝旁出輒復合於木上

白狼銜鉤田俅子曰湯都亳有神手牽白狼口銜金鉤而

庭入湯

晉陵金鐸

東晉王廙疏曰晉陵有金鐸之瑞郭璞云必致中興

疇德瑞

帝王部

祥瑞

祥瑞

聖精白馬賦曰有騰光吐
圖疇德瑞聖之符焉

逢吉丁辰班固典引曰逢吉丁辰景命也

註曰逢其吉
瑞當于佳辰

答三靈之蕃祉 至德馨香感于神明

書 至德光大動于天地 乾符坤珍超圖溢牒 白

鳩丹鳥素魚斷蛇方斯蔑矣

祥瑞五

原賦魏劉邵喜瑞賦曰乾坤交泰嘉瑞降靈皓雉呈其

潔質素成效其人形白兔揚其翰耀黃龍耀其神精章
光列之焯耀顯休徵之有成昔聖王之降瑞或卓爾而
弗經猶著美於篇籍貽來葉而垂名實名德之所墜宜
允納而是丁信無思而不服又何遠之不寧方得收麒

麟於元圃棲鳳皇於軒櫺舞鸞鳥於中唐聆鸞鶯之和
鳴弄蕙蒲之華芳翫朱草之丹榮承靈祚而建基垂遐
福於億齡超三五而無儔與泰初乎齊聲

擅張衡東

京賦曰總集瑞命備致嘉祥園林氏之騶虞擾澤馬與
騰黃鳴女牀之鸞鳥舞丹穴之鳳皇植華平于春圃豐
朱草于中唐

原頌魏何晏瑞頌曰若稽古帝魏武欽明文思罄民生
之俊德懿前烈之極休先天而天弗違後天而奉天時
聿迪明命肇啓皇基夫居高聽卑乾之紀也靡德不酬
坤之理也故靈符頻繁衆瑞仍章通政辰修玉燭告祥

和風播烈景星揚光應龍遊於華澤鳳鳥鳴於高岡麒麟依於圃籍虺虎類於坳疆鹿之麋麋載素其色雉之朝雉亦白其服交交黃鳥信我中雷儵儵嘉苗吐穎田

疇

原表周王褒上祥瑞表曰明王孝治岳瀆所以效靈至人澤及風雲以之懸感是以若霧非霧天道叶至德之符似煙非煙觸石表嘉祥之氣元黃蕭索之輝丹紫輪囷之狀豈止唐帝沈璧氣合金方姬后望河形如車蓋

增

唐張說奏慶山醴泉表曰臣聞至德洞微天鑒不

遠休徵祕景時和則見是知縣代曠曆慶謀祥經帝王

有必感之符神靈無虛出之瑞伏惟陛下金鏡御天璿
衡考政欽若元象弘濟蒼旻茂功將大造混成純化與
陽和俱扇朝百神之樂職宅萬國之歡心嘉氣內充淫
雨外息豈止搖風紀月之草列時于階廚儀簫御籙之
禽相鳴於戶閣而已固有發禎厚載抽貺泉源表元德
之潛通顯黃祇之昭報 宋林希奏祥瑞表曰聖人出
而四海清帝命昭而萬靈集必致諸福之物以表太平
之符伏惟陛下體堯之仁躬舜之孝力行勤儉而本以
化物誠意惻怛而出於愛民是以指揮之間功業成就
覆載之內陰陽協和蒙被羣生浹肌膚而淪骨髓涵濡

異類霑動植而洽飛翔仰而觀者景星慶雲俯而視者
醴泉甘露扶疎燁燿發爲朱草三秀之英游泳服馴則
有白麟一角之異嘉葩連理之木異畝同穎之禾鵲巢
可附而窺池龍可豢而擾謂宜作爲聲詩而奏於郊廟
深詔太史而著之簡編以永無疆之休以昭特起之績
考諸已往固可謂絕世之殊祥抑而弗宣猶以爲盛德
之餘事自時可紀殆不絕書今者駕鸞輅以克明庭撞
黃鐘而御太極典禮大備官儀一新殊方駿奔重譯輻
輳自昔辮髮卉裳羈縻之所未至踰沙軼漢言語之所
未通咸奉玉帛而介九賓襲衣冠而獻萬壽烜赫威德

冠古超今巍巍煌煌傳示人極鋪張王會之衆美褒對
皇家之盛容臣等躬率有司伏尋故事參稽圖牒宜先
象齒之珍敷道句臚敢上龍池之奏歡呼拊蹈倍萬常
情

增序宋晏殊兩朝祥瑞贊序曰二聖膺運天人協贊符
命沓臻三象騰輝五靈狎至露貽雲蔚泉湧河清紛綸
乎華芝茂衍乎嘉穀羽毛之族萬變呈姿卉木之倫千
名著異爰稽衆瑞列績殊庭乃詔羣臣並爲贊述

增詩唐王維大同殿生玉芝龍池上有慶雲賜宴即事
詩曰欲笑周文歌宴鎬還欽漢武樂橫汾豈如玉殿生

三秀詎有銅池出五雲陌上堯尊傾北斗樓前舜樂動
南熏共歡天意同人意萬歲千秋奉聖君

增策文唐賢良方正策問曰朕聞明王闡化感人靈之
心聖后宣風移動植之性遂使翔龍薦檢鳴鳳司晨獸
解識邪草能指佞仰惟前烈何德而臻此乎朕逖稽遂
初載欽神化每欲反斯熒薄景彼上皇欲使瑞蓮司庖
仙萼候月遊四靈於翠苑集五老於滎河致此休徵良
由政感佇聞啓沃以副虛襟對曰臣聞化浹乾樞景緯
呈其靈貺澤周坤絡卉木效其禎祥是以若霧非煙必
應文明之后九莖三秀允符光宅之君陛下應期納錄

撫運登皇孝道格於蒼穹仁心光於紫極自臨萬域輯
御羣方靈瑞屢臻休徵洊至五蹄仁獸樂君囿而來遊
六象威禽拂帝梧而萃止豈直銀黃玉紫雉白烏丹翻
鄔上之二桴拔江間之三脊固亦巡河授檢拜洛披圖
降五老於星躔歸四神於雲路盛矣美矣巍乎煥乎躡
三五以騰徽吞八九而高視尚且崇謙讓之道守沖撝
之德抑斯天瑞訪此人謀陛下雖不宰其成功微臣亦
不知其所謂

吳師道對

福祿一

增詩小雅曰天保定爾亦孔之固俾爾單厚何福不除

帝王部

福祿

俾爾多益以莫不庶天保定爾俾爾戩穀罄無不宜受
天百祿降爾遐福惟日不足天保定爾以莫不興如山
如阜如岡如陵如川之方至以莫不增如月之恒如日
之升如南山之壽不騫不崩如松柏之茂無不爾或承

詩魯頌曰俾爾熾而昌俾爾壽而臧保彼東方魯邦

是常不虧不崩不震不騰三壽作朋如岡如陵俾爾昌
而熾俾爾富而壽黃髮台背壽胥與試俾爾昌而大俾
爾耆而艾萬有千歲眉壽無有害天錫公純嘏眉壽保
魯居常與許復周公之宇魯侯燕喜令妻壽母宜大夫
士庶邦國是有既多受祉黃髮兒齒 莊子曰堯觀乎

華華封人曰嘻聖人請祝聖人使聖人壽堯曰辭使聖人富堯曰辭使聖人多男子堯曰辭封人曰壽富多男子人之所欲也女獨不欲何耶堯曰多男子則多懼富則多事壽則多辱是三者非所以養德也封人曰天生萬民必授之職多男子而授之職何懼之有富而使人分之何事之有夫聖人鶉居而穀食鳥行而無彰天下有道則與物皆昌天下無道則修德就閒千歲厭世去而上仙乘彼白雲至於帝鄉三患莫至身常無殃何辱之有

福祿二

增長發其祥

有秩斯祐

一人有慶

萬壽無疆

俱

經

昌熾

長生

上出詩魯頌詳福祿一問於廣成子曰敢問治身柰何而可

莊子黃帝

以長久廣成子曰必清必靜毋勞汝形毋

夢九齡

呼萬歲

禮記文王世子曰武王夢帝與我九齡文王曰古之謂年齡齒亦齡也我百爾九十吾與爾三

焉漢書武帝封泰山間山呼萬歲者三

申命用休

降年有永

殷高宗

摩銅狄

奉玉卮

搜神記曰薊子訓與一老翁共摩掌銅狄曰適見鑄此今已五百年矣

史記曰漢高祖在未央宮中奉玉卮為太上皇壽

獻椒花

種桃實

晉書劉瓛妻元

日獻椒花頌曰聖容映之永壽于萬漢武帝內傳曰西王母降出桃五枚與帝帝留核欲種母曰三千年結

子非下土

八千春秋

四百甲子

莊子逍遙篇曰上所種之物

千歲為春八千歲為秋左傳絳縣老人曰臣生之歲正月甲子朔四百有四十五甲子

禔福

錫羨

相如難蜀父老曰遐邇一體中外提福揚雄甘泉賦曰卬肩錫羨注曰錫與也羨饒也

神

篋受萬年之算

洛書開五福之祥

出翰苑新書

丹冥投

烽

青微釋警

曹植求自試表註曰丹冥南方青微東方也

喬雲結幄爛

南極於紫霄

元日稱觴介東朝之黃髮

雲成五色

重瞻瑞日之光

花覆千官共祝大椿之歲

已標仙

籍之長生

式播皇風於不朽

一人有慶遙瞻北闕

之尊

萬壽無疆願效南山之祝

思齊所以聖佇觀

則百之男

天保莫不增更祝無疆之壽

則百斯男

願嗣文母徽音之雅

既多受祉載賡魯侯燕喜之詩

幸與庶民同被皇極斂敷之福

更祈聖壽不殊華

封請祝之辭

以上俱出
翰苑新書

福祿三

原惟予一人膺受多福 永言配命自求多福 既有

淫威降福孔夷 實受其福 永膺多福 降福穰穰

降福簡簡 干祿百福 子孫千億 愷悌君子

干祿愷悌 百祿是道 百祿是荷 受天百祿 天

被爾祿 天應之德 祈天永命 承天之祜 受天

之祜 天錫純嘏 永錫祚胤 萬壽無期 南山之

壽 釐爾女士從以孫子 君子萬年景命有僕 必

有世祀 萬世不絕 無疆之休 於萬斯年 天惟

純佑命則商實 維天之命於穆不已 卜世三十

卜年八百 **增** 聿懷多福 詩經 天壽平格 書經 期頤 禮記

百年曰期頤 綏我眉壽介以繁祉 壽考維祺 俱詩經 祿

位名壽 尊富饗保 俱中庸 五福 洪範九 仁壽 董子曰堯

舜行德則民仁壽 虎拜 詩經曰虎拜稽首天子萬年 兕觥 詩經曰稱彼兕觥萬壽無疆

古帝壽考 韓愈佛骨表曰黃帝百十歲少昊百歲

歲舜禹湯皆百歲 安愈 張衡東京賦曰膺多福以安愈註愈寧也 逆釐

三神 顏延年曲水詩序曰 安綏天保 陸機宣猷堂詩曰儀刑祖宗安

綏天保 壽于箕翼 荀子富國篇曰國安磐石壽于箕翼

淵鑑類函卷四十九